

春秋左傳正義

春秋正義卷第二十七

昭公

國子祭酒上護軍曲阜縣開國子孔穎達等奉

勅撰

經四年春王正月大雨雹

當雪而雹故以爲災而書之

夏

楚子蔡侯陳侯鄭伯許男徐子滕子頓子

胡子沈子小邾子宋世子佐淮夷會于申

楚靈王始

疏

楚子至于申正義曰釋例班序諸稱齊桓既及宋楚爭盟起僖十八年盡二十七年

陳與蔡凡三會在蔡上楚合諸侯蔡與陳凡六會其五在陳上莊十六年注云陳國小每盟會皆在衛下齊桓始霸

楚亦始彊陳侯介於二大國之間而為三恪之客故齊桓
因而進之遂班在衛上終於春秋然則陳實小於蔡衛桓
公進陳班耳楚以大小為序
楚人執徐子稱人以執
不進陳班故蔡多在陳上

其民 秋七月楚子蔡侯陳侯許男頓子胡
告

子沈子淮夷伐吳因申會以伐吳不言諸侯者鄭
徐滕小邾宋不在故也胡國汝

陰縣西北
有胡城
疏
注因申至胡城 正義曰傳稱楚子以諸

者皆前目而後凡計此當云諸侯遂伐吳不言諸侯者以
屬晉之國鄭徐滕小邾宋皆不在行不得總言諸侯故別
序之也傳稱宋華費遂鄭大夫從則宋鄭在行亦不
序者楚既慰遣彼自義從楚人成己意遺不以告也
執

齊慶封殺之楚子欲行霸為齊
討慶封滅齊
遂滅賴九月

鄆

鄆莒邑傳例曰克邑不用師徒曰取

冬十有二月乙卯叔孫

豹卒

傳四年春王正月許男如楚楚子止之

與欲

俱田遂止鄭伯復田江南許男與焉

前年楚子已與鄭伯

田江南故言復

使椒舉如晉求諸侯二君待之

二君椒

舉致命曰寡君使舉曰日君有惠賜盟于

宋

宋盟在襄二十七年

曰晉楚之從交相見也以歲之不

易

不易言有難

寡人願結驩於二三君

欲得諸侯謀事補闕

使

舉請聞君若苟無四方之虞虞度也則願假

寵以請於諸侯欲借君之威寵以致諸侯晉侯欲勿許司

馬侯曰不可楚王方侈天或者欲逞其心

以厚其毒而降之罰未可知也其使能終

亦未可知也晉楚唯天所相相助也不可與

爭君其許之而脩德以待其歸若歸於德

吾猶將事之況諸侯乎若適淫虐楚將弃

之弃不以爲君吾又誰與爭公曰晉有三不殆其

何敵之有

也殆危

國險而多馬齊楚多難

難

有是三者何鄉而不濟對曰恃險與

馬而虞鄰國之難是三殆也四嶽

東樞岱西嶽華南嶽

衡北嶽恒

三塗

在河南陸渾縣南

陽城

在陽城縣東

大室

在河南陽城縣西南

荆山

在新城示鄉縣南

中南

在始平武功縣南

九州之險也是

不一姓

雖是天下至險無德則滅亡

冀之北土

燕代

馬之所生

無與國焉恃險與馬不可以爲固也從古

以然是以先王務脩德音以享神人

亨通也

不聞其務險與馬也鄰國之難不可虞也

或多難以固其國啓其疆土或無難以喪

其國失其守宇

於國則四垂爲宇

若何虞難齊有

仲孫之難而獲桓公至今賴之

仲孫公孫無知事在莊九年

晉有里平之難而獲文公是以爲盟主

里克

平鄭事在僖九年

衛邢無難敵亦喪之

閔二年狄滅衛僖二十五年衛滅邢

故人之難不可虞也恃此三者而不脩政

德亡於不暇又何能濟君其許之紂作淫

虐文王惠和殷是以隕周是以興夫豈爭

諸侯乃許楚使使叔向對曰寡君有社稷

之事是以不獲春秋時見言不得自往讓辭諸侯君

實有之何辱命焉椒舉遂請昏蓋楚子遣舉時兼使求昏

晉侯許之楚子問於子產曰晉其許我諸

侯乎對曰許君晉君少安不在諸侯安於小不能

遠其大夫多求貪也莫厭其君在宋之盟又

曰如一晉楚同也若不許君將焉用之焉用宋盟王

曰諸侯其來乎對曰必來從宋之盟承君

之歡不畏大國

大國晉也

何故不來不來者其

魯衛曹邾乎曹畏宋邾畏魯魯衛偏於齊

而親於晉唯是不來其餘君之所及也誰

敢不至

言楚威力所能及

王曰然則吾所求者無不

可乎對曰求逞於人不可

逞快也求人快意人必違之

與

人同欲盡濟

為下會申傳

疏

四嶽

正義曰釋山云河南華河東岱河北恒江南

衡李巡曰華西嶽華山也岱東嶽泰山也恒北嶽恒山也衡南嶽衡山也釋例土地名云東嶽泰山奉高縣泰山也

南嶽長沙湘南縣斷山也西嶽弘農華陰縣西南華山也北嶽中山曲陽縣西北恒山也郭璞注恒山名常山辟漢文帝諱耳爾雅於釋山發首言此四山明其即是四嶽故注者皆以嶽解之且諸書史傳識緯皆以岱衡華恒爲四嶽四嶽必是此四山也釋山又云泰山爲東嶽華山爲西嶽霍山爲南嶽恒山爲北嶽岱泰衡霍二文不同者此二嶽者皆一山而二名也白虎通云嶽者何嶽之爲言桶也桶功德也應劭風俗通云嶽桶也桶考功德黜陟也然則四方方有一山天子巡狩至其下桶考諸侯功德而黜陟之故謂之嶽也風俗通又云泰山山之尊者一曰岱宗岱始也宗長也萬物之始陰陽交代故爲五嶽長王者受命恒封禪之衡山一名霍山言萬物霍然大也華變也萬物成變由於西方也恒常也萬物伏北方有常也是解衡之與霍泰之與岱皆一山有二名也張揖云天柱謂之霍山漢書地理志云天柱在廬江瀋縣風俗通亦云霍山廟在廬江瀋縣如彼

所云則霍山在江北而得與江對衡山爲一者本江南
衡山一名霍山漢武帝移嶽神於天柱又名天柱爲霍
山故漢魏以來衡霍別耳郭璞注爾雅云霍山今廬江
濡縣濡水出焉別名天柱山漢武帝以衡山遠曠故移
其神於此今其土俗人皆呼之爲南嶽嶽本自以兩山爲
名非從近來也而學者多以霍山不得爲南嶽又云從漢
武帝來始有名即如此言爲武帝在爾雅之前乎斯不然
也是解衡霍二名之由也書傳多云五嶽此傳云四嶽者
中嶽嵩高即大室是也下別言之故此云四嶽 三塗
正義曰服虔云三塗大行轅轅嶺也謂三塗爲三處道
也杜云在河南陸渾縣南則以三塗爲一釋例土地名云
三塗河南陸渾縣南山名或曰三塗伊闕大谷轅轅三道
也傳曰晉將伐陸渾而先有事於洛與三塗先祭山川也
謂三道皆非也是杜據彼十七年傳文知三塗是山非三
道也 陽城 正義曰陽城山名也土地名云河南陽城
縣東北山清水所出也 大室 正義曰大室即嵩高也

特山云嵩高爲中嶽郭璞云大室山也別名外方今在河南陽城縣西北上地名云大室河南陽城縣西嵩高山

中嶽也地理志云武帝置嵩高縣以奉大室之山是爲中嶽又有少室在大室之西也注身通也正義曰易文

言云亨者嘉之會也凡會禮通謂之亨是亨爲通也言治民事神使人神通說故云以亨神人也注於國至爲宇

正義曰易稱上棟下宇宇謂屋簷也於屋則簷邊爲宇也於國則四垂爲宇也四垂謂四竟邊垂莫斥其君正義

曰釋言云斥正也孝經云君子之事上也將順其美斥其惡其餘至不至正義曰言其餘諸侯君之威力所

能及誰敢不來至楚者也大雨雹季武子問於申豐曰雹

可禦乎禦止也申豐魯大夫對曰聖人在上無雹雖有

不爲災古者日在北陸而藏冰陸道也謂夏十二月日在

危冰堅而藏之

西陸朝覲而出之

謂夏三月日在昴畢蟄蟲出而用水春分

之中奎星朝見東方

其藏冰也深山窮谷固陰沍寒於

是乎取之

沍閉也必取積陰之冰所以道達其氣使不為災

其出之也

朝之祿位賓食喪祭於是乎用之

言不獨其共公

藏之也黑牡秬黍以享司寒

黑牡黑牲也秬黑黍也司寒玄

冥北方之神故物皆用黑有事於冰故祭其神

其出之也桃弧棘矢以

除其災

桃弓棘箭所以攘除凶邪將御至尊故

其出入也時食肉

之祿冰皆與焉

食肉之祿謂在朝廷治其職事就官食者

大夫命婦

喪浴用冰

命婦大夫妻

祭寒而藏之

享司

獻羔

而啓之

謂二月春分獻羔祭韭始開冰室

公始用之

公先用

火

出而畢賦

火星昏見東方謂三月四月中

自命夫命婦至於

老疾無不受冰

老致仕在家者

山人取之縣人傳

之

山人虞官縣人遂屬

與人納之隸人藏之

與隸皆賤官

夫

冰以風壯

冰因風寒而堅

而以風出

順春風而散用

其藏之

也周

周密

其用之也徧

及老疾

則冬無愆陽

愆過也謂冬溫

夏無伏陰

伏陰謂夏寒

春無淒風

淒寒也

秋

無苦雨

霖雨為人
所患苦

雷出不震

震霆也

無留霜

雹癘疾不降

癘惡
氣也

民不夭札

短折為夭
大死為札

今藏

川池之冰弃而不用

既不藏深山窮谷之冰又
火出不旱賦有餘則弃之

風

不越而殺雷不發而震

越散也言陰陽
失序雷風為害

雹之

為留誰能禦之七月之卒章藏冰之道也

七月詩豳風卒章曰二之日鑿冰沖沖謂十二月鑿而取
之三之日納於凌陰凌陰冰室也四之日其蚤獻羔祭韭

謂二月春分蚤開

疏

聖人至為災
正義曰無雹謂無
害物之雹雖有依時小雹不與物

為災也劉炫云既云無雹復云雖有不為災者言有相形
之勢也聖人在上無雹言必無雖有不為災覆見無雹之

意猶論語祭肉不出三日出三日不食之矣注陸道至歲之正義曰釋天云北陸虛也西陸昴也孫炎云陸中也北方之宿虛爲中也西方之宿昴爲中也彼以陸爲中杜以陸爲道者陸之爲中爲道皆無正訓各以意言耳杜以西陸朝觀謂奎星朝見昴爲西方中宿則昴未得見宿是日行之道爾雅高平曰陸高平是道路之處故以陸爲道也日在北陸謂夏之十二月也十二月日在玄枵之次小寒節大寒中漢書律歷志載劉歆三統歷云玄枵之初日在婺女八度爲小寒節在危初度爲大寒中終於危十五度是夏之十二月日在虛危也於是之時寒極冰厚故取而藏之也周禮凌人正歲十有二月令斬冰詩云一之日鑿冰冲中月令季冬冰盛水涸命取冰鄭玄云冰厚也以此知日在北陸謂夏之十二月也西陸朝觀而出之正義曰觀見也西道之宿有早朝見者於是而出之謂奎星晨見而出冰也注謂夏至東方正義曰杜以西陸爲三月日在大梁之次清明節穀雨中三統歷云大梁之初日在

胃七度爲清明節在昴八度爲穀雨中終於畢十一度是夏之三月日在昴畢於是之時蟄蟲已出有溫暑矣穢宜當用水故以是時出之也歷法星去日半次則得朝見三統歷春分日在婁四度宿分奎有十六度乃次婁則春分之日奎之初度去日已二十度矣故春分之中得早朝見東方也西方凡有七宿傳言西陸朝觀於傳之文未知何宿觀也服虔以爲二月日在婁四度春分之中奎始晨見東方以是時出冰月令仲春天子乃獻羔啓冰是也服虔又以此言出之即是仲春啓冰故爲此說案下句再言其藏其出覆此藏出之文言其出之也朝之祿位賓食喪祭於是乎用之即是班冰之事非初啓也安得以出之爲啓冰也如鄭玄荅其弟子孫皓問云西陸朝觀謂四月立夏之時周禮夏班冰是也與杜說異理亦通也劉炫云春分奎星已見杜以夏三月仍云奎始朝見非其義也杜鄭又服三說鄭爲近之今知非者杜以西陸朝觀實是春分二月故杜此注云春分之中奎星朝見東方及下獻羔啓冰

注云謂二月春分獻羔祭韭是也皆據初出其冰公始用之時也所以杜又注云謂夏之三月日在昴畢蟄蟲出而用冰者以此傳云西陸朝覲而出之下傳覆之云其出之也朝之祿位賓食喪祭於是乎用之既云朝之祿位賓食喪祭則是普賜羣臣故杜云謂夏三月又下注云言不獨其公是據曾祖之時也故下傳又云火出而畢賦是也然冰之初出在西陸始朝覲之時冰之普出在西陸朝覲之後摠而言之亦得稱西陸朝覲而出之也劉焯不細觀杜意以爲杜既言春分朝見又言謂夏三月以規杜失非也其藏至取之正義曰此傳再言其藏其出者上言取之用之之處下言藏之出之之禮也山則遠而難窮故言深山也谷則近而易盡故言窮谷也固牢也返閉也牢陰閉寒言其不得見日寒甚之處於是乎取之注返閉至爲災正義曰周禮鼈人掌互物鄭司農云互物謂龜鼈有甲滿胡是返爲閉也深山窮谷之冰至夏猶未釋陽氣起於下隔於冰伏積而不能出憤發或散而爲雹藏冰必取

此山谷之內積陰之冰所以道達其氣使不爲災也藏冰
凌室所藏不多積陰之冰不可取盡不取川池之冰以示
道達陽氣耳未必陽氣皆待此而達其出至用之正義
曰此謂公家用之也朝廷之臣食祿在位大夫以上皆
當賜之冰也其公家有賓客享食公家有喪有祭於是乎
用之言其不獨共公身所用也周禮彼人云春始治鍾凡
內外饗之膳羞饗焉凡酒漿之酒醴亦如之祭祀共冰鍾
賓客共冰大喪共夷漿冰是公家所用冰也注黑牡至
其神正義曰此祭玄冥之神非大神且非正祭計應不
用大牲杜言黑牡黑牲當是黑牡羊也秬黑黍釋草文也
啓冰唯獻羔祭韭藏冰則祭用牲黍者啓唯告而已藏則
設享祭之禮祭禮大而告禮小故也月令於冬云其神玄
冥故知司寒是玄冥也北方之神故物皆用黑從其方色
也有事於冰故祭其寒神注桃弓至尊故正義曰說
文云弧木弓也謂空用木無骨飾也服虔云桃所以逃凶
也棘矢者棘亦有箴取其名也蓋出冰之時置此弓矢於

凌室之戶所以穰除凶邪將御至尊故慎其事焉此禮也
此傳言其出之也雖覆上文出之之文其實此出之謂二
月初出之時公將用之故設弓矢也劉炫云此言出之覆
上西陸朝覲知是火出時事二月已啓此方用弓矢者二
月啓冰始薦宗廟此公將用之故設弓矢也 注食肉至
食者 正義曰在官治事官皆給食大夫以上食乃有肉
故魯人謂曹劌曰肉食者謀之又說子雅子尾之食云公
膳日夢雖是大夫得食肉也傳言食肉之祿祿即此肉是
也若依禮常所合食案玉藻云天子日食少牢諸侯日食
特牲大夫特豕士特豚則士亦肉食但彼是在家之禮非
公朝常食也杜言謂在朝廷治其職事就官食者以明在
官之食有冰耳下云自命夫命婦無不受冰謂賜之冰受
以歸在家用之也 大夫至用冰 正義曰喪服傳曰大
夫弔於命婦錫衰命婦弔於大夫亦錫衰此傳與彼命
婦之文皆與大夫相對故杜知是大夫妻也喪大記云
君設大盤造冰焉大夫設夷盤造冰焉士併瓦盤無冰

鄭玄云禮自仲春之後尸既襲既小斂先內冰盤中乃設
牀於其上不施席而遷尸焉秋涼而止士喪禮君賜冰亦
用夷盤是當喪之時特賜之冰浴訖乃設訖云喪浴用冰
祭寒至啓之 正義曰上已云其藏冰也黑牡秬黍以享
司寒今復云祭寒而藏之與上一事而重其文者欲明獻
羔而啓之還是獻之於寒神故更使藏之啓之文相對也
注謂二至冰室 正義曰詩云四之日其蚤獻羔祭韭四
之日即夏之二月也告神而始開冰室始薦宗廟薦神之
後公遂用之俱在春分之月 注火星至月中 正義曰
十七年傳云火出於夏爲三月於商爲四月於周爲五月
此云火出而畢賦謂以火出而後賦之以火出爲始也周
禮云夏頒冰謂正歲之夏即四月是也故杜兼言四月
注山人至遂 正義曰周禮山虞掌山林之政令知山人
虞官也周禮五縣爲遂是縣爲遂之屬也 注霖雨爲人所
患苦 正義曰詩云以祈甘雨此云苦雨雨水一也味無甘苦
之異養物爲甘害物爲苦耳月令云孟夏行秋令則苦雨數

來五穀不滋是霖雨為人所患謂之苦也鄭玄云申之氣
乘之苦雨白露之類時物得而傷也 注震霆也 正義

曰說文云震霹靂震物者釋天云疾雷為霆霓郭璞云雷
之急激者謂霹靂則霆是震之別名雷出不震言有雷而

不為霹靂也下云雷不發而震言無雷而有霹靂也 無
苗至不降 正義曰霜雹即是苗言無此苗害之霜雹也

寒暑失時則民多癘疾癘疾天氣為之故云降也 注短
折至為札 正義曰洪範六極一曰凶短折孔安國曰短

未六十折未三十是短折為少夭之名也周禮膳夫大札
則不舉鄭玄云大札疫癘也謂遭疫癘而大死也癘疾謂

民病天札謂人死故云大死為札 風不至而震 正義
曰風不以理舒散而暴疾殺物雷不徐緩動發而震擊為

害 注七月至宗廟 正義曰凌人十二月令斬冰月令
十二月令取冰當是即以其月納於凌室也詩言三之日

納于凌陰即是正月矣不以鑿冰之月即納之者鄭玄云
幽土晚寒故可以正月納冰言由晚寒故也上言將欲頒

賦公始用之知蚤開冰室唯薦宗廟何休膏肓難此云春秋書雹以爲政之所致非由冰也若今朝廷藏冰亦不於深山窮谷何故或無雹天下郡縣皆不藏冰何故或不雹若言有之於古者必有驗於今此其不合於義失天下相與之意鄭立箴之曰雨雹政失之所致是固然也國之失政君子知其大者其次知其小者藏冰之禮凌人掌之月令載之幽詩歌之此獨非政與故其小者耳夫深山窮谷固陰沍寒極陰之處冰凍所聚不取其冰則氣畜不泄結滯而爲伏陰凡雨水陽也雪雹陰也雨水而伏陰薄之則凝而爲雹雨雪而愆陽薄之則合而爲霰申豐見時失藏冰之禮而有雹推之陰陽知此伏陰所致亦聖人之寓言也詳載其言者以著藏冰之禮不可廢耳竝謂鄭言是也申豐寄言於此以諫失政其雹不是盡由冰也

夏諸侯如楚魚衛曹邾不

會曹邾辭以難公辭以時祭衛侯辭以疾

鄭伯先待于申自楚先至會地六月丙午楚子

合諸侯于申椒舉言於楚子曰臣聞諸侯

無歸禮以為歸今君始得諸侯其慎禮矣

霸之濟否在此會也夏啓有鈞臺之享禹

子也河南陽翟縣南有鈞臺商湯有景亳之命河南

西南有湯亭或言亳即偃師周武有孟津之誓將伐紂也成有

岐陽之蒐周成王歸自奄大蒐於岐山之陽岐山在扶風美陽縣西北康有鄧

官之朝鄧在始平鄠縣東有臺康王於是朝諸侯穆有塗山之會

齊桓王會諸侯於塗山塗山在壽春東北

齊桓有召陵之師

在僖四年晉

文有踐土之盟

在僖二十八年

君其何用宋向戌

鄭公孫僑在諸侯之良也君其選焉

選擇所用

王曰吾用齊桓

用會召陵之禮

王使問禮於左師

與子產左師曰小國習之大國用之敢不

薦聞

言所聞謙示所未行

獻公合諸侯之禮六

其禮六儀也宋爵公

故獻公禮

子產曰小國共職敢不薦守獻伯子

男會公之禮六

鄭伯爵故獻伯子男會公之禮其禮同所從言之異

君子謂

合左師善守先代子產善相小國王使椒

舉侍於後以規過

規正二子之過

卒事不規王問

其故對曰禮吾所未見者有六焉又何以

規

左師子產所獻六禮楚皆未嘗行

宋太子佐後至王田於

武城久而弗見椒舉請辭焉

請王辭謝之

王使

往曰屬有宗祧之事於武城

言為宗廟田獵

寡君

將墮幣焉敢謝後見

恨其後至故言將因諸侯會布幣乃相見經并書宋

太子佐知此言在會前

徐子吳出也以爲貳焉故執諸

申

言楚子以疑罪執諸侯

楚子示諸侯侈

自奢

椒舉曰

夫六王二公之事

六王啓湯武成康穆也二公齊桓晉文

皆所

以示諸侯禮也諸侯所由用命也夏桀爲

仍之會有緡叛之

仍緡皆國名

商紂爲黎之蒐

東夷叛之

黎東夷國名

周幽爲大室之盟戎狄

叛之

大室中微

皆所以示諸侯汰也諸侯所由

奔命也今君以汰無乃不濟乎王弗聽子

產見左師曰吾不患楚矣汰而愼諫也

愼愼也

不過十年左師曰然不十年侈其惡不遠

遠惡而後弃惡及遠方則人弃之善亦如之德遠而後

興為十三年楚弑其君傳秋七月楚子以諸侯伐吳宋大

子鄭伯先歸經所以更叙諸侯也時晉之屬國皆歸獨言二國者鄭伯父於楚宋大于不得

時見故慰遣之宋華費遂鄭大夫從從伐吳以答見慰使屈申

圍朱方朱方吳邑齊慶封所封也屈申屈蕩之子八月甲申克之執

齊慶封而盡滅其族慶封以襄二十八年奔吳八月無甲申日誤將

戮慶封椒舉曰臣聞無瑕者可以戮人慶

封唯逆命是以此逆命謂性不恭順其肯從於戮

乎言不肯默而從戮播於諸侯焉用之播揚也王弗聽負

之斧鉞以徇於諸侯使言曰無或如齊慶

封弑其君弱其孤以盟其大夫齊崔杼弑君慶封其黨也

故以弑者罪責之慶封曰無或如楚共王之庶子圍

弑其君兄之子麋而代之以盟諸侯王使

速殺之遂以諸侯滅賴賴子面縛銜璧士

祖輿觀從之造於中軍中軍王所將王問諸椒舉

對曰成王克許在僖六年許僖公如是王親釋

其縛受其璧焚其櫬王從之從舉言遷賴於

鄢鄢楚邑楚子欲遷許於賴使鬬韋龜與公

子奔疾城之而還為許城也韋龜子文之玄孫申無宇曰

楚禍之首將在此矣召諸侯而來伐國而

克城竟莫校謂築城於外竟諸侯無與爭王心不違民其居

乎言將有事不得安也民之不處其誰堪之不堪王命

乃禍亂也疏邪不會正義曰宋之盟邪滕為私屬不許交相見而楚召邪滕使從會者邪

滕自欲辟役不在宋盟又晉合諸侯常列於會襄二十九年城杞三十年會于澶淵邾滕皆在楚知其事故使召之此申之會滕至而邾不至 夏啓至之會 正義曰此六王之事唯周武王孟津之誓尚書有其事武王伐殷作泰誓三篇是也其餘五者皆書傳無文不能知其本末 注周成至西北 正義曰書序云成王歸自奄在宗周誥庶邦作多方其經云告爾四國多方則於時諸侯大集故謂岐陽之蒐在此時也 吾用齊桓 正義曰用會召陵之禮山自王意也服虔云召陵之役齊相退舍以禮楚靈王今咸其意是以用之 注其禮六儀 正義曰以言禮六故言其禮六儀當是會上有此六儀不知六者何謂也 注鄭伯至之異 正義曰杜知其禮同所從言之異者以左師獻公合諸侯之禮六子產獻伯子男會公之禮六若其各異凡十二禮下椒舉云禮吾所未見者六焉故知其禮同也於公言之云合諸侯之禮於伯子男言之云會公之禮是所從言之異 武城 正義曰土地名楚之武城

在南陽宛縣北也魯之武城在泰山南武城縣也有滑臺
子羽冢 將墮幣焉 正義曰杜預云將因諸侯會布幣

乃相見不解墮之義案隱六年公羊傳鄭人來輸平輸平者
何輸平猶墮成也然則墮是輸之義也朝聘之禮客必致幣
於主據主則為受據客則為輸襄三十一年傳子產論幣
云其輸之則君之府實也非為陳之不敢輸也是謂布幣
為輸幣也言將待輸幣之時乃相見見既在後故遣我永
敢謝後見也服虔云墮輸也言將輸受宋之幣於宗廟案
禮之事幣皆令宰受不以薦宗廟雖訓為輸義不當也

八月甲申 正義曰長歷推此年七月己未朔二十六日
得甲申八月己丑朔其月無甲申而傳上有七月下有九
月月不容誤故知日誤 弱其孤 正義曰崔杼弑莊公

立其弟景公孤謂景公也以其幼小輕弱之 以盟諸侯

正義曰靈王即位以來經傳不見與諸侯盟事蓋楚子自

與屬楚諸侯私盟不

告魯而慶封知之

九月取郕言易也莒亂者

丘公立而不撫鄆鄆叛而來故曰取凡克

邑不用師徒曰取著丘公去疾也不書奔者潰散而來將帥微也重發例者以通

叛而鄭子產作丘賦丘十六井當出馬一匹牛三頭今子產別賦其田如魯之田賦

田賦在哀國人謗之謗毀也曰其父死於路謂子國為

尉氏所殺己為蠆尾謂子產重賦毒害百姓以令於國國將

若之何子寬以告子寬鄭大夫子產曰何害苟

利社稷死生以之以用也且吾聞為善者不改

其度故能有濟也民不可逞度不可改法度

也詩曰禮義不愆何恤於人言逸詩也子產自以為權制

濟國於禮義無愆吾不遷矣遷移也渾罕曰國氏其先

亡乎渾罕子寬君子作法於涼其敝猶貪涼薄也

作法於貪敝將若之何言不可久行姬在列者

在列國也蔡及曹滕其先亡乎偏而無禮蔡偏楚曹

滕偏宋鄭先衛亡偏而無法偏晉楚政不率法

而制於心民各有心何上之有子產權時救急渾罕譏之

正道正丘十至一年正義曰丘十六井當出馬一匹
疏牛三頭司馬法之文也服虔以為子產作丘賦者

賦此一丘之田使之出一馬三牛復古法耳丘賦之法不行久矣今子產復脩古法民以爲貪故謗之案春秋之世兵革數興鄭在晉楚之間尤當其劇止當重於古不應廢古法也若往前不脩此法豈得全無賦乎故杜以爲今子產於牛馬之外別賦其田如魯之田賦田賦在哀十一年彼注云丘賦之法因其田財通出馬一匹牛三頭今欲別其田及家財各爲一賦故言田賦然則此與彼同賦斂家資使出牛馬又別賦其田使之出粟若今輸租更出馬一匹牛三頭是一丘出兩丘之稅案周禮有夫征家征夫征謂出稅家征謂出車徒給徭役此牛馬之屬則周禮之家征也其夫征十一而稅是與家征別 姬在至衛亡 正義曰渾罕意譏子產將言鄭之先亡故遂博言諸國亡之先後杜據世本史記作世族譜說諸國滅亡之年此下十一年楚滅蔡十三年蔡復封春秋後二世十八年而楚滅蔡也哀八年宋滅曹也滕以春秋後六世而齊滅之鄭在春秋後五世九十一年而韓滅鄭衛在春秋後十一世二百五

十八年而秦滅衛也據蔡之冬吳伐楚入棘櫟麻

棘櫟麻皆楚東鄙邑譙國鄆縣東北以報朱方之役

有棘亭汝陰新蔡縣東北有櫟亭朱方役在此年秋楚沈尹射奔命於夏汭夏汭漢水曲

也吳兵在東北楚盛歲尹宜咎城鍾離宜咎本陳大夫襄二

兵在東南以絕其後十四年遠啓彊城巢然丹城州來然丹鄭穆公孫襄十

奔楚九年東國水不可以城彭生罷賴之師彭生

楚大夫罷關韋龜城賴之師注棘櫟至櫟亭 正義曰吳來伐楚

疑新蔡縣東北有櫟亭者是此櫟也初穆子去叔孫

鄭有櫟邑者則河南陽翟縣是也

氏及庚宗

成十六年辟僑如之難奔齊庚宗魯地

遇婦人使私為

食而宿焉問其行告之故哭而送之

婦人聞而

哭之適齊娶於國氏

國氏齊正卿姜姓

生孟丙仲壬夢

天壓已弗勝

穆子夢也

顧而見人黑而上僂

上僂有偃

深目而顴喙

口象豬

號之曰牛助余乃勝之

且而皆召其徒無之

徒從者

且曰志之

志識也

及

宣伯奔齊饋之

宣伯僑如穆子之兄成十六年奔齊穆子饋宣伯

宣伯曰

魯以先子之故

先子宣伯先人

將存吾宗必召女召

女何如對曰願之久矣

言兄始為亂已則有今日之願蓋念言

魯

人召之不告而歸既立

在齊生孟丙仲壬魯召之立為卿襄二年始見

經所宿庚宗之婦人獻以雉

獻穆子

問其姓

問有

否對曰余子長矣能奉雉而從我矣

襄二年賢

牛五

六歲召而見之則所夢也未問其名號之

曰牛曰唯皆召其徒使視之遂使為賢

賢小

臣也傳言從夢未必吉

有寵長使為政

為家

公孫明知

叔孫於齊

公孫明齊大夫子明也與叔孫相親知

歸未逆國姜

子明取之國姜孟仲母故怒其子長而後使逆

之子孟丙仲壬田於丘猶丘猶地名遂遇疾焉賢牛

欲亂其室而有之強與孟盟不可欲使從己孟不肯

叔孫為孟鐘曰爾未際際接也孟未與諸大夫相接見饗大

夫以落之以豕豬血既具饗禮具使賢牛請日

請饗日入弗謁謁白也出命之日詐命日及賓至聞

鐘聲牛曰孟有北婦人之客北婦人國姜也客謂公孫明怒

將往牛止之賓出使拘而殺諸外殺孟丙牛又

強與仲盟不可仲與公御萊書觀於公華

公御士名仲與之公與之環賜玉使牛入示之私遊觀於公宮

示叔入不示出命佩之牛謂叔孫見仲而

何而何叔孫曰何為怪牛曰不見既自見

矣言仲已自公與之環而佩之矣遂逐之奔

齊疾急命召仲牛許而不召杜洩見告之

飢渴授之戈杜洩叔孫氏宰也牛不食叔對曰求

之而至又何去焉言求食可得無為公賢牛蓋賢

牛曰夫子疾病不欲見人使寘饋于个而

退

寘置也个東西廂

牛弗進則置虛命徹

寫器令空示若叔孫

已命命去之

十二月癸丑叔孫不食乙卯卒

三日絕糧

牛立昭子而相之

昭子豹之庶子叔孫諾也

公使杜洩葬

叔孫賢牛賂叔仲昭子與南遺

昭子叔仲帶也南遺季氏

家臣使惡杜洩於季孫而去之

憎洩不與已同志

杜洩

將以路葬且盡卿禮

路王所賜叔孫車

南遺謂季

孫曰叔孫未乘路葬焉用之且冢卿無路

介卿以葬不亦左乎

冢卿謂季孫介次也左不便

季孫曰

然使杜洩舍路

舍置也

不可曰夫子受命於朝

而聘於王

在襄二十四年夫子謂叔孫

王思舊勲而賜之路

感其有禮以念其先人

復命而致之君

豹不敢自乘

君不敢逆

王命而復賜之使三官書之吾子為司徒

實書名

謂季孫也書名定位號

夫子為司馬與工正書

服

謂叔孫也服車服之器工正所書

孟孫為司空以書勲

勲功也

卒死而弗以是弃君命也書在公府而弗

以是廢三官也若命服生弗敢服死又不
以將焉用之乃使以葬季孫謀去中軍賢

牛曰夫子固欲去之

誣叔孫以
媚季孫

疏

注襄二至
六歲正

義曰穆子還魯傳無歸歲襄二年始見於經疑是其年新
還也成十六年傳云子叔聲伯使叔孫豹請逆于晉師於
時豹猶在魯疑其因使而遂奔齊蓋自鄭過魯而去故得
宿於庚宗成十六年出奔襄二年始還凡經五年故賢牛
五六歲能奉雉也計賢牛至襄二年四歲也杜言五六歲
者賢牛見穆子未必即以還年見之 曰唯 正義曰曲
禮云父召無諾先生召無諾唯而起鄭玄云應辭唯恭於
辭 故怒至逆之 正義曰怒者怒其妻也忿其母遂及
其子其子在齊成是而後逆之歸魯非謂逆其妻也 強
與孟盟 正義曰孟雖適妻之子叔孫未立為嗣賢牛欲

亂其室望已有之未應即欲為適使王車已強與盟者欲其與已同心使已得專恣耳

注幣接至接見

正義曰

釋詁云際接捷也郭璞曰捷謂相接續也大夫將立適子

必須接見同寮季武子立紇飲大夫酒是其事也孟丙未

與大夫交接故為之作鐘因落鐘令與相見

注以報至

日落

正義曰說文云釁血祭也雜記釁廟之禮云瘞人

瘞羊升屋自中屋南面剗羊血流于前是釁祭之法以血澆落之知落之即是釁也雜記又曰凡宗廟之器其名

者成則釁之以報豚是知以報豬之血也記稱宗廟之器成乃釁以報豚此叔孫為孟作鐘非是宗廟之器亦釁之

者周禮小子職曰釁邦器及軍器鄭玄云邦器謂禮樂之器及祭器之屬此鐘是禮樂之器故釁也

使腎牛

正

義曰孟不自請使腎牛者內則云由命士以上父子皆異宮鄭玄云異宮者崇敬也以其異官故使腎牛

牛謂至

見矣

正義曰而如同是語辭故注云而何如何牛謂叔

孫曰以仲見君何問何故以仲見君也叔孫怪其語故曰

何爲牛曰不將仲見君乎若不將見則既自見君矣言不
待父命所以怒叔孫也大夫立子爲適必自見之於君宣
十四年中舟見犀而行定六年樂祁見溺而行是其事也
或曰腎牛謂叔孫曰今將仲見君其事如何叔孫以己見
病故怪之曰何爲以下同 注寘置至西廂 正義曰禮
置器物於地皆謂之寘是寘爲置也月令天子居左个右
个是个爲東西廂也 吾子至書勲 正義曰杜預是叔
孫家臣故稱己君爲夫子工正是司馬之屬官也季孟亦
有屬官共書其事但季孟身在不假言屬以叔孫已亡取
屬官爲徵故兼言之所以司徒書名者周禮大司徒掌十
二教十有一曰以賢制爵十有二曰以庸制祿故司徒書
名定位號也司馬與工正書服者周禮夏官司馬其屬有
司士掌羣臣之政亦以德詔爵以功詔祿工正雖不屬司
馬掌作車服故與司馬書服也案周禮司勲屬夏官今司
空書勲者春秋之時又是諸侯之法不可盡與禮同 注
誣也至季孫 正義曰季孫因叔孫之弱欲四分公室已

取其二故謀去中軍賢牛云夫子固欲去之是誣叔孫以媚季孫

經五年春王正月舍中軍

襄十一年始立中軍

楚殺其

大夫屈申

書名罪之

公如晉夏莒牟夷以牟婁

及防茲來奔

城陽平昌縣西南有防亭姑幕縣東北有茲亭

秋七月公

至自晉戊辰叔弓帥師敗莒師于蚡泉

蚡泉

魯地秦伯卒

無傳不書名未同盟

冬楚子蔡侯陳侯許

男頓子沈子徐人越人伐吳

傳五年春王正月舍中軍卑公室也

罷中軍季孫稱

左師孟氏稱右師叔孫氏則自以叔孫為軍名 毀中軍于施氏成諸臧

氏季孫不欲親其議勅二家會諸大夫發毀置之計又取其令名初作中軍三分

公室而各有其一三家各有一軍家屬季氏盡征之無所

入於公叔孫氏臣其子弟以父兄孟氏取其半

焉復以子弟之半歸公及其舍之也四分公室季氏擇

二簡擇取二分子各一皆盡征之而貢于公國人

盡屬三家三家以書使杜洩告於殯告叔孫曰隨時獻公而已

子固欲毀中軍既毀之矣故告杜洩曰夫

子唯不欲毀也故盟諸僖闕詛諸五父之

衢皆在襄十一年受其書而投之地帥士而哭之

痛叔孫之見誣叔仲子謂季孫曰帶受命於子叔

孫曰葬鮮者自西門不以壽終為鮮西門非魯朝正門季孫

命杜洩命使從西門杜洩曰卿喪自朝魯禮也

從生存朝觀之正路吾子為國政未改禮而又遷之遷易

也羣臣懼死不敢自也自從也既葬而行善杜

洩能辟禍仲至自齊聞喪而來季孫欲立之南遺曰

叔孫氏厚則季氏薄彼實家亂子勿與知

不亦可乎南遺使國人助腎牛以攻諸太

庫之庭

攻仲壬也魯城內有大庭氏之虛於其上作庫

司宮射之中目

而死腎牛取東鄙三十邑以與南遺

取叔孫氏

邑昭子即位朝其家衆曰腎牛禍叔孫

氏使亂大從

使從於亂

殺適立庶又披其邑將

以赦罪

披析也謂以邑與南遺昭子不知腎牛餓殺其父故但言其見罪

罪莫大焉

必速殺之腎牛懼奔齊孟仲之子殺諸塞

關之外

齊魯界上關

投其首於寧風之棘上

寧風仲齊地

尼曰叔孫昭子之不勞不可能也

不以立已為功勞據

其所言善之時魯人不以餓死語昭子

周任有言曰為政者不賞

私勞不罰私怨詩云有覺德行四國順之

詩大雅覺直也言德行直則四方順從之

初穆子之生也莊叔以周

易筮之

莊叔穆子父得臣也

遇明夷

離下坤

上明夷

之謙

艮下坤上謙明夷初九變為謙

以示

楚丘

楚丘卜人姓名

曰是將

行

行出奔

而歸為子祀

奉祭祀

以讒人入其名

曰牛卒以餒死明夷日也離為日夷傷也日明傷日之

數十甲至故有十時亦當十位自王已下

其二為公其三為卿日中當王食時當公平旦為卿離為士夜半為卑人定

為輿黃昏為隸日入為僚哺時為僕日昃為臺隅中日出關不在第尊王公曠其位日上其中

日中盛明故以當王食日為二位旦日為三位卿明夷之

謙明而未融其當旦乎融朗也離在坤下日在地中之象又變為謙

道卑退故曰明而未融日明未融故曰其當旦乎故曰為子祀莊叔卿也卜豹為卿故知

為子祀日之謙當鳥故曰明夷于飛離為日為鳥離變為謙日

光不足故當鳥鳥明而未融故曰垂其翼於口為未融於

鳥為垂翼象曰之動故曰君子于行明夷初九得位有應君子

象也在明傷之世居謙下之位故將辟難而行當三在旦故曰三日不

食且位在三又非食時故曰二日不食離火也艮山也離為火火

焚山山敗離艮合體故於人為言艮為言敗言為

讒為離所焚故言敗故曰有攸往主人有言言必

讒也離變為艮故言有所往往而見燒故必讒言純離為牛

易離上離下離畜牝牛吉故言純離為牛世亂讒勝勝將迫離故曰

其名曰牛

離焚山則離勝辟世亂則讓勝山焚則離
獨存故知名牛也賢牛非牝牛故不吉

謙不足飛不翔

謙道冲退故
飛不遠翔

垂不峻翼不廣

峻高也翼垂下
故不能廣遠

故曰其為子後乎

不遠翔故
知不遠去

吾

子亞卿也抑少不終

且日正卿之位莊叔父子世
為亞卿位不足以終盡卦體

蓋引而
致之

疏

舍中軍卑公室也
三軍十二分其國民三家得七公得五國民

正義曰襄十一年初作
不盡屬公公室已是卑矣今舍中軍四分公室三家自取

其稅減已稅以貢於公國民不復屬於公公室彌益卑矣

是舍中軍者三家所以卑弱公室也作中軍卑公室之漸
舍中軍卑公室之極初作云作三軍今不云舍三軍者初

云作者舊有二軍今更增一軍人數不足故摠皆渾破各
毀其乘足成三軍故云作三軍此則唯舍中軍分中軍之

衆屬上下二軍其上下二軍依舊不動故唯云舍中軍也
劉炫云四分公室制法別耳還作三軍不得言舍三軍

注罷中至軍名正義曰魯之軍名傳無其號晉作三軍

爲上中下則魯之三軍亦當然也其廢中軍之後上下二

軍分爲四分哀十一年齊師伐魯傳稱孟孺子泄帥右師

冉求帥左師冉求季氏宰也又言叔孫武叔退而蒐棄更

無別稱知自以叔孫爲軍名也注取其令名正義曰

取其令名者季孫實欲自厚令諸大夫議論似若己之不

與取其令善廉絜之名也劉炫以爲施者舍也藏者善也

成諸臧氏取其令名也其二家謂叔孟非謂施臧二氏也

初作至卑焉正義曰將述其舍倒本其初初作中軍謂

襄十一年也三分公室而各有其一民皆分屬三家就中

減以與公令公自稅取也季氏盡征之不減入於公今盡

屬於己也叔孫氏臣其子弟明其更有父兄以一家之內

有此四品叔孫氏則以父兄之稅入公子弟之稅入己其

率所屬之人悉皆如此若掩計父兄之數不足以子弟添

父兄若子弟不足以父兄添子弟大率半屬於公半屬於己以父兄歸公者尊公室也孟氏則於子弟之中而取其半於一家之內或取其子或取其弟大率而言三分歸公一分入己也或以爲其軍分爲四分假以父兄子弟四分託之若以假託爲言何得云若子若弟直云叔孫氏兩分歸公兩分入己孟氏三分歸公一分入己於文簡略其事易知何須以父兄子弟虛爲假託故知不然也魯之三卿季彊孟弱縱使如此差之季氏猶應以一分歸公言盡征之者季氏專恣也 及其至擇二正義曰季氏因叔孫家禍退之使同於孟孫獨取其半爲專已甚又擇取善者是專之極故傳言擇二以見之 注不以至正門正義曰叔孫餓死而帶言葬鮮知不得以壽終者名之爲解言年命鮮少也叔孫帶得以此言告季孫則季孫知賢牛餓殺叔孫矣而不討者季孫利其禍而已得專故舍之而不討也杜泄云卿喪自朝知西門非正門 注從生至正路正義曰服虔云言卿葬三辭於朝從朝出正門卿佐國之損幹君

之股肱必過於朝重之也案檀弓云君於大夫將葬弔於
宮及出命引之三步則止如是者三君退是君當就家
之無造君朝之禮且杜泚不欲從西門所競道路耳假令
自朝而去猶得更從西門不須言自朝也故杜以自朝爲
從生存朝覲之正路蓋以西門幽辟故欲從正路而出南
門 大庫之庭 正義曰十八年傳梓慎登大庭氏之庫
是魯城內有大庭氏之虛於其上作庫謂之大庭氏之庫
此言大庫明是彼也此言之庭庭是堂前地名仲壬在此
庫之庭前豎牛就攻之此庭非大庭也 使亂大從 正
義曰杜云使從於亂服虔云使亂大和順之道 注披析
至見罪 正義曰昭子若知豎牛餓殺其父則當顯加誅
戮不應直以殺適立庶爲大罪也若昭子知讎不殺則昭
子有大罪矣仲尼不宜善其不以立已爲功勞也是昭子
不知豎牛餓殺其父但言見罪仲尼又據其見言而善之
遇明夷之謙 正義曰離下坤上爲明夷離爲日坤爲地
象曰明入地中明夷夷者傷也日在地中光不外發則爲

明傷也艮下坤上為謙艮為山象曰地中有山謙以高下
下謙虛之義 楚丘至餒死 正義曰此先略言卦意有
此四事也是若是此子也將出奔而歸為國卿奉子叔孫
之祭祀也并以讒人入而其名曰牛然此子終以餓死也
牛在國生云以入者去時未有來而有之以讒人入其家
非從外國入既已略論此意乃復具釋爻辭爻辭云明夷
于飛垂其翼君子于行三日不食有攸往主人有言此三
辭之間無為祀之意但卦名明夷故先推卦名求為祀之
義也先行後歸始得為祀然後推演爻辭得其行去之象
又論不食讒言之事爻辭之內亦無名牛故別於離卦以
求牛名推演爻之三辭既訖乃復更推卦體以終為祀之
言故曰其為子後以摠結前言也 注日中至其位 正
義曰七年傳曰天有十日人有十等彼即歷言從王至臺
十等之目此傳既云十時十位位以王公卿為三日以中
食旦為三日上其中知從中而右旋配之也哺謂食也哺
時謂日西食時也日昃謂蹉跌而下也隅謂東南隅也過

隅未中故爲隅中也若據時之先後則從旦至食乃至於中宜以左旋爲次今傳以配十位從中而右旋者以人之道高以下爲基貴以賤爲本欲從賤而漸至於貴也若從中左旋則位乃漸退非進長之義故右旋也

注融朗至旦乎正義曰明而未融則融是大明故爲朗也釋言云明朗也樊光云詩云高朗令終日月光明是朗爲大明也據卦離下坤上日在地中之象又爻變爲謙謙是卑退之意日未出而又卑退故曰明而未融日明未融故曰其當旦也若於易之明夷據日入之後故明夷象云初登于天照四國也後入于地失則也此傳明夷據日未出前者以日未出與日已入皆日在地下其明不見故各取象爲義也注離爲至于飛正義曰說卦離爲日爲雉雉爲鳥也離之一卦爲日爲鳥日爲高明鳥爲微細今日之謙退不得高明下當微細是日光不足故當鳥也注明夷至而行正義曰卦有六位初三五奇數爲陽位也二四上耦數爲陰位也初

貞四二與五三與上位相值為相應陽之所求者陰陰之所求者陽陽陰相值為有應陰還值陰陽還值陽為無應明夷初九陽爻在奇是得位也所應在四四為陰爻是有應也居得位而物應之是君子象也初九在明傷之世有大難也居謙下之位宜卑退也以此知將辟難而行也

注旦位至不食正義曰位當三而時在旦是三日象也

旦又未至食時非食時則無可食故曰三日不食也注艮

為言正義曰說卦云成言乎艮故艮為言也注易離

至為牛正義曰純離者言上體下體皆是離也易離卦

云畜牝牛吉故言純離為牛明夷初九無此牛象但明夷

初卦下體是離故轉於純離之卦求牛象謙不至後平

正義曰其爻辭唯云君子于行無遠之義故復推此爻於

鳥為飛不翔翼不大知其不能遠

去行必當歸故曰其為子復乎楚子以屈申為

貳於吳乃殺之

造生貳心

以屈生為莫敖

建子屈

使與令尹子蕩如晉逆女過鄭鄭伯勞

蕩于汜勞屈生于菟氏汜菟氏皆鄭地晉侯送女

于邢丘子產相鄭伯會晉侯于邢丘傳言楚強

諸侯畏疏注傳言至其使正義曰聘禮云若過邦至敬其使

以入告出許錄之以其禮上賓大宰積惟芻豢如彼禮文唯當錄之而已今鄭伯親勞是鄭畏楚也相三年傳例云

凡公女嫁于敵國公子則下卿送之於天子則諸卿皆行尚公不自送昏禮父母送女不下堂今晉侯親送女至邢

丘是敬楚也此兼顧上公如晉即位而自郊勞至于文故云諸侯畏敬其使

贈賄往有郊勞無失禮揖讓晉侯謂女叔齊去有贈賄

曰魯侯不亦善於禮乎對曰魯侯焉知禮

公曰何爲自郊勞至于贈賄禮無違者何

故不知對曰是儀也不可謂禮禮所以守

其國行其政令無失其民者也今政令在

家在大不能取也有子家羈弗能用也莊

公立孫懿伯也奸大國之盟陵虐小國謂伐莒取鄆利人

之難謂往年莒亂而取郛不知其私不自知有私難公室四分民

食於他他謂三家也言魯君與民無異思莫在公不圖其終無爲

公謀終始者

為國君難將及身不恤其所禮之本

未將於此乎在

在恤民與憂國

而屑屑焉習儀以亟

言以習儀為急

言善於禮不亦遠乎君子謂叔侯於

是乎知禮

時晉侯亦失政叔齊以此諷諫

疏

注往有至贈賄正義曰聘禮賓至于近

郊君使卿朝服用束帛勞及聘事皆畢乃云賓遂行舍于郊公使卿贈如覲幣聘既如此朝亦當然其朝據大行人

上公三勞主國使下大夫勞于畿卿勞于遠郊主君自勞于近郊其去贈賄無文聘尚有賄明朝亦然但禮文不具

耳其文據公去言故云往有也贈據晉言故云去有也民食於他正義曰言公如民然求食於他也其時四分

公室民皆屬三家一家稅以貢公公仰他給食自無食也思莫至其終正義曰羣臣思慮無在公者不為公圖謀

其終言其終必禍敗無爲謀者晉韓宣子如楚送女叔向爲介

鄭子皮子大叔勞諸索氏河南城皋縣東有大索城大叔

謂叔向曰楚王汰侈已甚子其戒之叔向

曰汰侈已甚身之災也焉能及人若奉吾

幣帛慎吾威儀守之以信行之以禮敬始

而思終終無不復事皆可復行從而不失儀從順也敬

而不失威道之以訓辭奉之以舊法考之

以先王以先王之禮成其好度之以二國度晉楚之勢而行之雖汰

修若我何及楚楚子朝其大夫曰晉吾仇

敵也苟得志焉無恤其他今其來者上卿

上大夫也若吾以韓起爲閹刑足使守門以羊

舌肸爲司官加官刑足以辱晉吾亦得志矣

可乎大夫莫對遂啓彊曰可苟有其備何

故不可恥匹夫不可以無備况恥國乎是

以聖王務行禮不求恥人朝聘有珪珪以信爲信享

覲有璋享饗也覲見也無朝聘而享見也臣爲君執璋小有述職諸侯天子曰

述職

大有巡功

天子巡幸曰巡功

設机而不倚爵盈而

不飲

言務行禮

宴有好也

宴飲以貨為好永服車馬在客所無

殮有陪

鼎

熟食為殮陪加也加鼎所以厚殷勤

入有郊勞

賓至逆勞之於郊

出有

贈賄

去則贈之以貨賄

禮之工也國家之敗失之道

也則禍亂興

失朝聘之好之道

城濮之役

在僖二十八年

晉

無楚備以敗於邲

在宣十二年言六禍始於城濮

邲之役楚

無晉備以敗於鄢

在成十六年

自鄢以來晉不失

備而加之以禮重之以睦

君臣和也

是以楚弗能

報而求親焉既獲姻親又欲恥之以召寇

讎備之若何

言何以爲備

誰其重此

言怨重

若有其

人恥之可也

謂有賢人以敵晉則可恥之

若其未有君亦圖

之晉之事君臣曰可矣求諸侯而麋至

麋羣

也求昏而薦女

薦進也

君親送之上卿及上天

夫致之猶欲恥之君其亦有備矣不然奈

何韓起之下趙成中行吳魏舒范鞅知盈

五卿位在韓起之下皆三軍之將佐也成趙武之子吳荀偃之子

羊舌肸之下祁

午張趯籍談女齊梁丙張骼輔蹠苗賁皇

皆諸侯之選也

言非凡人

韓襄為公族大夫韓

須受命而使矣

襄韓無忌子也為公族大夫須起之門子年雖幼已任出使

箕

襄邢帶

二人韓氏族

叔禽叔椒子羽

皆韓起庶子

皆大

家也韓賦七邑皆成縣也

成縣賦百乘也

羊舌四

族皆彊家也

四族銅鞮伯華叔向叔魚叔虎兄弟四人

晉人若喪韓

起楊肸五卿八大夫

五卿趙成以下八卿趙成以下大夫祁午以下

輔韓須

揚石

石叔向子食我也

因其十家九縣

韓氏七羊舌氏四而言十家舉

大數也羊舌四家共二縣故但言彊家

長轂九百

長轂戎車也縣百乘

其餘四

十縣遺守四千

計遺中國者尚有四千乘

奮其武怒以報

其大恥伯華謀之

伯華叔向兄

中行伯魏舒帥之

伯中行吳

其蔑不濟矣君將以親易怨

失昏姻之親

實無禮以速寇而未有其備使羣臣往遺

之禽以逞君心何不可之有王曰不穀之

過也大夫無辱

謝遠答逼

厚焉韓子禮王欲教

叔向以其所不知而不能

言叔向之多知

亦厚其禮

韓起反鄭伯勞諸國地名辭不敢見禮也

奉使君命疏奉吾至二國正義曰朝聘之禮享用幣

未反故疏帛致國之所有送女雖則非聘亦以幣帛

通意故云奉吾幣帛慎吾威儀也信當守而無失故云守

之以信也禮當勉力履行故云行之以禮也禮無不敬故

以敬為始也始敬則終亦敬終恐其情故云思終也思終

亦思始終始無有不可復行之事行必得理使皆可復行

也曲從則失儀從而不失儀不曲從也過敬則無威敬而

不失威不妄敬也聖人教訓之辭用之以通意故言道之

也聘使舊故之法奉承以致命故言奉之也用先王之禮

以成其交好故言考之也量二國形勢以導通時事故言

度之也皆準事為文注刑足使守門正義曰周禮掌

戮云墨者使守門劓者使守關宮者使守內劓者使守圉

髡者使守積則守門者當以墨也知不以韓起為墨者楚

子意在辱晉必將加之重罪墨是刑之輕者知其必非墨

也且欲以叔向爲官刑明却刑亦次官也莊十九年傳稱
甯季自刑楚人以爲大聞知此亦是刑也欲以叔向爲司
官爲奄官之長則韓起爲閭亦欲令爲門官之長刑若甯
季故以甯季之刑解之

謂聘有珪

正義曰周禮典瑞

云公執桓圭侯執信圭伯執躬圭子執穀璧男執蒲璧以朝
觀宗遇會同于王諸侯相見亦如之是朝有珪也又曰琢
圭璋璧琮以覲聘是聘有珪也聘用圭璧其飾雖與君同
其長降君一等聘禮記曰所以朝天子圭與纁皆九寸問
諸侯朱綠纁八寸問即聘也鄭玄云九寸上公之圭也於天
子曰朝於諸侯曰問記之於聘文互相備鄭云互相備者
言諸侯相朝與朝天子同也遣使聘天子與諸侯同也彼
典瑞及聘禮記聘圭八寸據上公爲文耳公之使既降公
一等知侯伯之使當琢圭六寸子男之使當琢璧四寸考
功記玉人云琢圭璋八寸璧琮八寸以覲聘亦謂上公之
聘也其實子男君臣用璧云朝聘有圭者據公侯伯言之
注珪以爲信 正義曰鄭玄典瑞注云人執以見曰瑞禮

神曰器瑞符信也用珪朝聘所以爲信故執之 享規有

璋 正義曰鄭氏先儒以爲朝聘之禮使執玉以授主國

之君乃行享禮獻國之所有規見也謂行享禮以見主國

之君也案小行人合六幣圭以馬璋以皮璧以帛琮以錦

琥以繡璜以黼鄭玄云上公享圭以馬享后璋以皮侯

伯子男享王璧以帛享后琮以錦公侯伯於諸侯則享用

鉶琮子男於大國享君琥以繡於夫人璜以黼此云享規

有璋者據上公享后言之所以特舉享后者舉璋與圭相

對其實享禮圭與鉶琮琥璜皆有今檢杜注意義則不然

謂主國設酒食以饗賓賓則執璋以行禮故云享規有璋

注云享饗也破享獻之享爲饗食之饗杜必然者以此傳

下云設机而不倚爵盈而不取宴有好貨殮有陪鼎皆論

饗禮及饗宴之事故破享爲饗即大行人三饗三食三宴

之類是也但饗禮既亡執璋無文耳故杜云臣爲君使執

璋則詩云奉璋峨峨尚書大保秉璋以酢之類是也 注

諸侯至述職 正義曰孟子云天子適諸侯曰巡狩巡狩

著巡所守也諸侯朝天子曰述職述職者述所職也其意
言諸侯職在治國家事天子以時入朝述脩其所職也天
子職在立諸侯撫下民以時巡仲省視其功勞也設机
至不飲正義曰朝聘之禮有設几進爵之時朝禮雖士
而聘禮有其略也聘義曰聘射之禮至大禮也質明而始
行事日幾中而後禮成非強有力者弗能行也酒清人渴
而不敢飲也肉乾人飢而不敢食也是言務在行禮不敢
倚机不敢飲酒也注宴飲至所無正義曰謂主國宴
賓以貨財為恩好謂衣服車馬在客所無者與之也明年
晉享季武子重其好貨僖二十九年介葛盧來禮之加宴
好詩序云鹿鳴燕羣臣嘉賓也既飲食之又實幣帛箚篚以
將其厚意是也注熟食至殷勤正義曰聘禮賓始入館宰
夫朝服設殽飪一牢在西鼎九羞鼎三鄭玄云食不備禮
曰殽飪熟也其鼎實如饗餼羞鼎則陪鼎也以其實言之
則曰羞以其陳言之則曰陪是殽有陪鼎鄭以殽禮小饗
餼禮大故云食不備禮曰殽言饗餼備而殽不備也杜以

餼生而殮熟故云熟食為殮聘禮又云君使卿韋弁歸餼
餼五牢飪一牢鼎九設于西階前陪鼎當內廉鄭玄云陪
鼎三牲臠脾臠臠也陪之庶羞加也服虔云陪牛羊豕鼎
故云陪鼎周禮掌客云凡諸侯之禮上公殮五牢饗餼九
牢侯伯殮四牢饗餼七牢子男殮三牢饗餼五牢是朝聘
皆有殮也案聘禮歸饗餼五牢於賓館飪一牢鼎九設于
西階前牛鼎一羊鼎一豕鼎一魚鼎一腊鼎一腸胃鼎一
膚鼎一鮮魚鼎一鮮腊鼎一凡九鼎從北向南而陳又有
陪鼎三其一曰腳鼎牛臠也在牛鼎之西其一曰臠鼎羊
臠也在羊鼎之西其一曰臠鼎豕臠也在豕鼎之西其陪
所設當西階之內廉腥二牢陳于東階之前南陳牢別七
鼎無鮮魚鮮腊也并上飪一牢所謂死牢三又餼二牢陳
于門內之西是卿之饗餼五牢案鄭注掌客其子男饗餼
五牢與卿同其腥鼎加鮮魚鮮腊牢別有九也其陳設如
卿之禮侯伯饗餼七牢死牢四飪一牢在西腥三牢在東
餼三牢在門西其陳設如子男之禮上公饗餼九牢死五

牢飪一牢在西脰四牢在東饌四牢陳于門西其陳皆如
侯伯之禮也大行人註云爵卿也則殮三牢饗餼五牢爵
大夫也則殮大牢饗餼三牢以敗於鄆正義曰以上
文類之當註云言兵禍始於邲而不註者從可知也韓
須受命而使正義曰三年傳云韓須如齊逆少姜是受
命出使之事皆韓起庶子正義曰賈逵云然杜依用
之杜以上箕襄邢帶食邑於箕邢故爲韓氏之族叔禽叔
椒皆連叔爲文羽又稱子事似兄弟故云皆韓起庶子劉
炫以爲叔禽等亦是韓起之族旣無明證而妄規杜氏非
也四族至四人正義曰家語孔子曰銅鞮伯華不死
天下其定矣其人名亦字伯華食邑於銅鞮叔魚名鮒見
於十三年傳叔虎見於襄二十一年傳於時虎已死今得數
叔虎者雖身死其族猶在故傳不言羊舌四人而云四族
明指其族也據傳文叔向兄弟四人有叔虎按世本叔向
兄弟有季夙疑季夙即是虎也故服氏數伯華叔向叔魚
季夙劉炫以爲叔虎於時已死別有季夙而規杜氏非也

韓氏至疆家 正義曰杜以家縣爲一故并韓賦七邑與羊舌四族乃爲十一而言十家舉大數也羊舌四族族有一縣則又大多故以爲四家共二縣也劉炫以爲韓須是起之門子不必更稱家去韓須之外韓氏唯有六家并羊舌四族故爲十家也今知不然者以傳歷序韓襄爲公族大夫韓須受命而使卽云箕襄以下皆大家故知韓須在其內也又韓賦七邑則韓須有邑既有其邑自然稱家哀二年傳曰上大夫受縣論語云百乘之家家卽縣也劉以爲韓須不得爲家家不得稱縣以爲韓氏六家羊舌四家爲十家而規杜氏非也 長穀 正義曰考工記車人云兵車乘車輪崇六尺六寸田車輪崇六尺三寸兵車轂長三尺三寸又云大車半柯長尺半是短也 何不可之有 正義曰啓疆發首言可此云何不可之有言其可也紹上可之言服虔云何不可之有如是大不識文勢 叔向以其所不知而不能 正義曰王欲調叔向以爲教樂以其所不知不解之處試之而竟不能王之所爲叔向悉

解故杜云叔向之多知

鄭罕虎如齊娶於子尾氏

自為逆也

晏子驟見之陳栢子問其故對曰能用善

人民之主也

謂授子產政

夏莒牟夷以牟婁及防

茲來奔牟夷非卿而書尊地也

尊重也重地故書以名其

人終為不義

莒人愬于晉

愬魯受牟夷

晉侯欲止公范獻

子曰不可人朝而執之誘也討不以師而

誘以成之惰也為盟主而犯此二者無乃

不可乎請歸之間而以師討焉

間暇也

乃歸

公秋七月公至自晉莒人來討計受不設

備戊辰叔弓敗諸蚡泉莒未陳也據君臣異故直發例

冬十月楚子以諸侯及東夷伐吳以報棘

櫟麻之役役在四年遠射以繁揚之師會於夏

汭會楚子越大夫常壽過帥師會楚子于瑣

瑣楚地聞吳師出遠啓彊帥師從之從吳師也遽

不設備吳人敗諸鵠岸廬江舒縣有鵠尾渚楚子以馬

至於羅汭駟傳也羅水名吳子使其弟蹶由犒師

勞楚人執之將以釁鼓王使問焉曰女卜

來吉乎對曰吉寡君聞君將治兵於敝邑

卜之以守龜曰余亟使人犒師請行以觀

王怒之疾徐而為之備尚克知之言是余龜如此龜

兆告吉曰克可知也君若驩焉好逆使臣

滋敝邑休息也而忘其死亡無日矣今

君奮焉震電馮怒馮盛也虐執使臣將以釁

鼓則吳知所備矣敝邑雖羸若早脩宇宇

備

其可以息師

息楚之師

難易有備可謂吉

矣且吳社稷是卜豈爲一人使臣獲釁軍

鼓而敝邑知備以禦不虞其爲吉孰大焉

國之守龜其何事不卜

言常卜

一臧一否其

誰能常之城濮之兆其報在邲

城濮戰楚卜吉其效乃在

邲

今此行也其庸有報志

言吳有報楚意

乃弗殺

楚師濟於羅汭沈尹赤會楚子次於萊山
遂射帥繁揚之師先入南懷楚師從之及

汝清

南懷汝清皆楚界

吳不可入

有備

楚子遂觀兵於

坻箕之山

觀示也

是行也吳早設備楚無功

而還以蹶由歸楚子懼吳使沈尹射待命于

巢遠啓彊待命于雩婁禮也

善有備

疏

今君至

枝正義曰言今君奮起威嚴如天震電盛為順怒虐執云云是也一難易有備正義曰言知楚為患難則

吳易有防備也且吳杜稷是卜正義曰恐楚王言女既云言何故今欲被殺故言此以塞之國之守龜

正義曰又恐王言龜既言吉而使人被殺則是龜不信故反言此以荅之

秦后子復歸

於秦

元年奔晉

景公卒故也

終五稔之言

經六年春王正月杞伯益姑卒

再同盟

疏

注再

同盟正義曰益姑以襄二十四年即位二十五年盟于重丘魯杞俱在二十九年又杞子來盟是再同盟

葬

秦景公夏季孫宿如晉葬杞文公

無傳

宋華

合比出奔衛

合比事君不以道自取奔亡書名罪之

疏

注合比至罪

正義曰

寺人柳有寵大子佐惡之合比請殺之求媚於大子而欲殺君之寵臣是事君不以道也以此而自取奔亡故書名

以罪之

秋九月大雩楚薳罷帥師伐吳冬叔弓

如楚齊侯伐北燕

傳六年春王正月杞文公卒弔如同盟禮

也魯怨杞因晉取其田而大夫如秦葬景公禮

也合先王士弔大疏注合先至之禮正義曰先王

三十年傳文也釋例曰先王之制諸侯之喪士弔大夫送葬及其失也禮過於重文襄之伯因而抑之諸侯之喪大

夫弔卿共喪事夫人之喪士弔大夫送葬猶過古制故公子遂如晉葬襄公傳不言禮葬秦景公傳曰大夫如秦葬

魯公特稱禮也一以示古制二以示書他國之葬必須魯會三以示奉使非卿則不書於經此皆丘明之微文也

三月鄭人鑄刑書鑄刑書於鼎以叔向使詒

子產書詒遺也曰始吾有虞於子虞度也言準度

今則已矣已止也昔先王議事以制不為刑

辟懼民之有爭心也

臨事制刑不豫設法也
法豫設則民知爭端

猶

不可禁禦是故閑之以義

閑防也

糾之以政

糾舉也

行之以禮守之以信奉之以仁

奉養也

制爲祿位以勸其從

勸從教

嚴斷刑罰以威

其淫

淫放也

懼其未也故誨之以忠聳之以

行

聳懼也

教之以務

時所急

使之以和

說以使民

臨

之以敬涖之以彊

施之於事爲涖

斷之以剛

義斷恩

猶

求聖哲之上明察之官

上公王也官卿大夫也

忠信之

長慈惠之師民於是乎可任使也而不生

禍亂民知有辟則不忌於上權移於法故民不畏上並

有爭心以徵於書而徼幸以成之因危文以生爭緣徼

幸以成其巧偶弗可為矣為治也夏有亂政而作禹刑

商有亂政而作湯刑夏商之亂著禹湯之法言不能議事以制周有

亂政而作九刑周之衰亦為刑書謂之九刑三辟之興皆叔

世也言刑書不起於始盛之世今吾子相鄭國作封洫在襄

年立謗政作丘賦在四年制參辟鑄刑書制參辟用三代之

末將以靖民不亦難乎詩曰儀式刑文王

之德日靖四方詩頌言文王以德為儀式故能日有安靖四方之功刑法也又曰

儀刑文王萬邦作孚詩大雅言文王作儀法為天下所信孚信也如

是何辟之有言詩唯以德與信不以刑也民知爭端矣將

弃禮而徵於書以刑書為徵錐刀之末將盡爭

之錐刀末喻小事亂獄滋豐賄賂並行終子之世鄭

其敗乎矜聞之國將亡必多制教改法其此

之謂乎復書曰若吾子之言復報也僑不才

不能及子孫吾以救世也既不承命敢忘

大惠以見箴戒為惠士文伯曰火見鄭其火乎火心

星也周五月昏見火未出而作火以鑄刑器刑器鼎也藏

爭辟焉火如象之不火何為象類也同氣相求火未出

而用火相疏注鑄刑書於鼎正義曰傳直言鑄刑書知鑄之於鼎者二十九年傳云晉趙

鞅荀寅賦晉國一鼓鐵以鑄刑鼎著范宣子所為刑書焉彼是鑄之於鼎知此亦是鼎也注臨事至爭端

正義曰尚書伊訓云先王肇修人紀制官刑儆于有位又穆王命呂侯訓夏贖刑作呂刑之篇其經云墨罰之

屬千劓罰之屬千剕罰之屬五百宮罰之屬三百大辟之屬二百五刑之屬三千周禮司刑掌五刑之法以履

萬民之罪。墨罪五百。劓罪五百。宮罪五百。剕罪五百。殺罪五百。據此二文。雖王者相變條數不同。皆是豫制刑矣。而云臨事制刑。不豫設法者。聖王雖制刑法。舉其大綱。但共犯一法。情有淺深。或輕而難原。或重而可恕。臨其時事。議其重輕。雖依準舊條。而斷有出入。不豫設定法。告示下民。今不測其淺深。常畏威而懼罪也。法之所以不可豫定者。於小罪之間。或情有大惡。盡皆致之極刑。則本非應重之罪。悉令從其輕比。又不足以創小人也。於大罪之間。或情有可恕。盡加大辟。則枉害良善。輕致其罰。則脫漏重辜。以此之故。不得不臨時議之。準狀加罪。今鄭鑄之於鼎。以章示下民。亦既示民。即爲定法。民有所犯。依法而斷。設今情有可恕。不敢曲法。以矜之罪。實難原。不得遽制以入之法。既豫定民。皆先知於是。倚公法以展私情。附輕刑而犯大惡。是無所忌而起爭端也。漢魏以來。班律於民。懼其如此。制爲比例。入罪者舉輕以明重。出罪者舉重以明輕。因小事而別有大罪者。則云所爲重。以重論。皆不可一定故也。

閑之至其淫 正義曰義者宜也合於事宜閑謂防衛也
閑之以義防衛之使合於事宜也政者正也齊正在下糾
謂舉治也糾之以政舉治之使從於齊正也禮當勉力履
行故行之以禮也信當守而勿失故守之以信也仁心所
以養物故本之以仁也位以序德祿以酬勤有德能勤則
居官食祿制爲祿位以勸其從順教令也其有犯罪則制
之刑罰故嚴斷刑罰以威其驕淫放佚也嚴斷言其不放
舍也對文則加罪爲刑收贖爲罰散則刑罰通也閑之以
下皆言在上位者行此事治民也 懼其至以剛 正義
曰此上言行事此又言用心言雖行上事懼其未從教也
故復勞心以撫之於文中心爲忠如心爲恕謂如其己心
也事親事君遠及諸物宜恕以待之不得虛詐忠是萬事
之本故陳忠恕之事以訓誨之行善得善行惡得惡舉善
惡之行以恐懼之時之所急民或不知故教示之以當時
之務居上位者失於以威迫人故使之以和當和說以使
之臨蒞一也臨謂位居其上俯臨其下蒞謂有所施爲臨

撫其事臨謂平常之時泣謂當事之時居上位者失於驕
慢臨之以敬言常共敬以臨之其監於行事者失於解倦
泣之以彊言當彊力以臨之柔而少決為政之病故斷之
以剛彊此云斷之以剛即上嚴斷之義嚴謂威可畏剛謂
情無私此皆論心故重言之注聲懼也正義曰釋詁
文也彼作疎音義同注施之於事為泣正義曰泣亦
臨也而與臨別文故解之周禮肆師稱泣卜曲禮云泣宜
春秋書泣盟皆謂當其事而臨之故云施之於事為泣則
臨謂平常泣謂當事以此為異故別文也若散而言之泣亦
臨也故論語云不莊以泣之則民不敬是也正義斷恩
正義曰喪服四制云門內之治恩揜義門外之治義斷恩
尚書胤征云威克厭愛允濟愛克厭威允罔功是斷獄者
皆當義斷恩猶求至使也正義曰以剛以上雖率意教
人猶為未善更求聖哲王公之上制明察大夫之官法忠
誠信著之長則慈愛溫惠之師教用此四法以教民民於
是乎可任使也注權移至畏上正義曰刑不可知威

不可測則民畏上也今制法以定之勸鼎以示之民知在上不敢越法以罪已又不能曲法以施恩則權柄移於法故民皆不畏上注因危至巧僞正義曰法之設文有限民之犯罪無窮爲法立文不能網羅諸罪民之所犯不與正與法同自然有危疑之理因此危文以生與上爭罪之心緣微幸以成其巧僞將有宵罪而獲免者也注夏商至以制正義曰夏商之有亂政在位多非賢哲察獄或失其實斷罪不得其中至有以私亂公以貨枉法其事不可復治乃遠取創業聖王當時所斷之獄因其故事制爲定法亦如鄭鼎所鑄遵舊施行言不能臨時議事以制刑罪也注周之至九刑正義曰準夏商所作當爲文武周公之制不以聖王名刑而謂之九刑者蓋周公別爲此名故稱之耳注言刑至之世正義曰三辟謂禹刑湯刑九刑也辟罪也三者斷罪之書故爲刑書皆是叔世所爲言刑書不起於始盛之世始盛之世議事制罪叔世不復能然采取上世決事之比作書以爲後法其事是始

盛之世作書於衰亂之時也服虔云政衰爲叔世叔世踰於李世季世不能作辟也 注制參至末法 正義曰制

參辟鑄刑書是一事也爲其文是制參辟勸於暴是鑄刑書也三代之辟皆取前世故事制以爲法子產亦取上世

故事故謂之制參辟言其所制用三代之末法非謂子產所作還寫三代之書也子產蓋亦采取上世所聞見斷欲

善者以爲書也 詩曰至四方 正義曰周頌我將之篇祀文王之樂歌也杜言文王以德爲儀式刑法也則儀式

刑三者皆爲法也言以德爲儀式法者是文王之德也由其以德爲法故能日日有安靖四方之功也服虔云儀善

式用刑法靖謀也言善用法文王之德日日謀安四方此解於文便於杜也 又曰至作乎 正義曰大雅文王之

篇也服虔云儀善也刑法也善用法者文王也言文王善用其法故能爲萬國所信也亦便於杜 民知至於書

正義曰端謂本也今鑄鼎示民則民知爭罪之本在於刑書矣制禮以爲民則作書以防民罪違禮之愆非刑書所

禁故民將棄禮而取徼驗於書也刑書無違禮之罪民必
棄禮而不用矣終子至敗乎正義曰子產鑄刑書而
叔向責之趙鞅鑄刑鼎而仲尼譏之如此傳文則刑之輕
重不可使民知也而李悝作法蕭何造律頒於天下懸示
非民秦漢以來莫之能革以今觀之不可一日而無律也
爲當吏不及古民僞於昔爲是聖人作法不能經遠古今
之政何以異乎斯有旨矣古者分地建國作邑命家諸侯
則非世相承大夫亦子孫不絕皆知國爲我土衆實我民
自有愛吝之心不生殘賊之意故得設法以待刑臨事而
議罪不須豫以告民自今常懷怖懼故仲尼叔向所以譏
其鑄刑書也秦漢以來天下爲一長吏以時遷代其民非
復已有懦弱則爲殿負彊猛則爲稱職且疆域闊遠戶口
滋多大郡竟餘千月上縣數以萬計豪橫者陵蹈邦邑桀
健者雄張閭里故漢世酷吏專任刑誅或乃肆情好殺威
其不撓之威違衆用己以表難測之知至有積骸滿穿流
血丹野郅都被蒼鷹之號延年受屠伯之名若復信其殺

伐任其縱舍必將喜怒變常愛憎改意不得不作法以齊之宣衆以今之所犯當條則斷之以律疑不能決則讞之上府故得萬民以察天下以治聖人制法非不善也古不可施於今今人所作非能聖也足以周於用所謂觀民設教遭時制宜謂此道也 若吾子之言 正義曰若如也誠如吾子之言也 吾以救世也 正義曰當時鄭國大夫邑長蓋有斷獄不平輕重失中故作此書以今之所以救當世也 注象類至致災 正義曰作刑書以示民教民使爭罪故謂之爭辟火出而象之象類也謂以類相感而致災也同氣相求易文言文也周禮司耀云季春出火民咸從之季秋內火民亦如之鄭玄云火所以用陶冶民隨國而爲之是火星未出不得用火今鄭火未出而用火以鑄鼎及火星出則相感以致災服虔云鑄鼎藏爭辟故今出火與五行之火爭明故爲災在器故稱藏也 夏

季孫宿如晉拜莒田也

謝前年受年
夷邑不見討
晉侯享

之有加籩

籩豆之數多於常禮

武子退使行人告

曰小國之事大國也苟免於討不敢求

貺

貺賜也

得貺不過三獻

周禮大夫三獻

今豆有加

下臣弗堪無乃戾也

懼以不堪為罪

韓宣子曰寡

君以為驩也

以加禮致驩心

對曰寡君猶未敢

未敢當此加也

況下臣君之隸也敢聞加貺固請徹

加而後卒事晉人以為知禮重其好貨

宴好之貨

疏

注周禮大夫三獻正義曰周禮甸五獻大夫三獻故鄭注掌客爵卿也饗餼五牢爵大夫也

饗餼三牲獻視饗餼之數故言大夫三獻也若依古禮大
小國之卿皆三獻大夫三獻故聘禮侯伯之卿出聘饗餼
五牢獻同饗餼之數至春秋之時唯大國得從古禮故昭
元年鄭人享楨孟注云朝聘之制大國之卿五獻其次國
以下卿則從大國大夫之禮故今武子云得貺不過三獻
周禮無此文大行人云上公九獻侯伯七獻子男五獻獻
各如其命數典命云公侯伯之卿皆三命知其當三獻也
大夫卿之摠名故庄云三獻也 今豆有加 正義曰上
言加筵此言豆者筵豆並加互舉其一也 寡君猶未敢
正義曰魯侯爵禮當七獻上文唯言享有加筵止知加於
常禮不知幾獻筵豆未必過七獻
也言寡君猶未敢當此者謙耳 宋寺人柳有寵

有寵於
平公

太子佐惡之華合比曰我殺之

欲以求
相大子

柳聞之乃坎用牲埋書

詐為
盟處

而告公曰合

比將納亡人之族

亡人華臣也襄十七年奔衛

既盟于比

郭矣公使視之有焉遂逐華合比合以奔

衛於是華亥欲代右師

亥合比第欲得合比處

乃與寺

人柳比從為之徵曰聞之夕矣

聞合比欲納華臣

公

使代之

代合比為右師

見於左師

左師向戌

左師曰女夫

也必亡

夫謂華亥

女喪而宗室於人何有人亦

於女何有

言人亦不能愛女

詩曰宗子惟城母俾城

壞母獨斯畏

詩大雅言宗子之固若城俾使也

女其畏哉

為二十年

華亥出

奔傳

疏

詩曰至斯畏

正義曰大雅板之篇凡伯刺

厲王之詩也言宗子之固惟若城也即謂宗

子為城言宗人當固之母使此城傾壞傾

壞則女獨矣女既獨此必有所畏懼也

六月丙戌

鄭災

終士文伯之言

楚公子弃疾如晉報韓子也

報前年送女

過鄭鄭罕虎公孫僑游吉從鄭伯

以勞諸相辭不敢見

不敢當國君之勞相鄭地

固請見之

見如見王

見鄭伯如見楚王言弃疾共而有禮

以其乘馬八匹私

面

私見鄭伯

見子皮如上卿

如見楚卿

以馬六匹見子

產以馬四匹見子大叔以馬二匹

降殺以兩

禁

芻牧采樵不入田

田不犯種

不樵樹不采藝

藝也

不抽屋不強勾誓曰有犯命者君子廢小

人降

君子則廢黜不得居位小人則退給下劇也

舍不為暴主不恩

賔

恩惠也

往來如是鄭三卿皆知其將為王

也

三卿罕虎公孫僑游吉

韓宣子之適楚也楚人弗逆

公子弃疾及晉竟晉侯將亦弗逆叔向曰

楚辟我衷

辟邪也衷正也

若何效辟詩曰爾之教

矣民胥效矣

詩小雅言上教下效

從我而已焉用效人

之辟書曰聖作則起書則法也無寧以善人爲

則無寧寧也而則人之辟乎匹夫爲善民猶則

之況國君乎晉侯說乃逆之傳言叔向知禮**疏**注其而有

禮正義曰見如見王是共也辭不敢見是禮也不樵

樹不采藪正義曰不樵樹不伐樹以爲樵不采藪不采所種之菜果不抽屋不強勾正義曰服虔大抽秋

裂也言不毀裂所舍之屋也勾乞也不就人強乞也九月大雩旱也徐儀楚聘于楚儀楚徐大夫楚

子執之逃歸懼其叛也使遠洩伐徐遠洩楚大夫

吳人救之令尹子蕩帥師伐吳師于豫章

而次于乾谿

乾谿在譙國城父縣南楚東竟

吳人敗其師於

房鐘

房鐘吳地

獲宮廡尹弃疾

闕韋龜之父

子蕩歸

罪於遠洩而殺之

歸罪於遠洩不以敗告故不書

冬叔弓如

楚聘且弔敗也

弔為吳所敗

䟽

且弔敗也正義曰如上注不以敗告故不書而得

弔敗者本自為聘聞敗因弔之故言且也

十一月齊侯如晉請伐北燕也

告盟

士匄相士鞅逆諸河禮也

士匄晉大夫相為介得敬

逆來者之禮

晉侯許之十二月齊侯遂伐北燕

將納簡公

簡公北燕伯三年出奔齊

晏子曰不入燕有君

矣民不貳吾君賄左右諂諛作大事不以

信未嘗可也

為明年暨齊平傳

疏

士句相士鞅世族譜以王正為雜人

正義曰

諸本及王肅董遇注皆作王正俗本或誤為士句此人不當與士鞅之父同姓名而為之介也

經七年春王正月暨齊平

暨與也燕與齊平前年冬齊伐燕間無異

事故不重言

疏

注暨與至可知也此直言暨齊平不知誰與齊平穀梁

正義曰暨與釋詁文

傳云以外及內曰暨謂此為魯與齊賈逵何休亦以為

魯與齊平許惠卿以為燕與齊平服虔云襄二十四年仲

孫羯侵齊二十五年崔杼伐我自爾以來齊魯不相侵伐

且齊是大國無為求與魯平此六年冬齊侯伐北燕將納

簡公齊侯貪賄而與之平故傳言齊求之也齊次于號燕

人行成其文相比許君近之案經例即燕與齊平當書燕

魯與諸侯平皆言暨下三月公如楚叔孫婼如齊涖盟
不在國故齊無來者據經言之賈君為得杜則從許說也
故兩載其說意從賈解其所疑云前年冬齊伐燕文接此
春間無異事故不云燕省文也又此年稱齊暨燕平之月
傳所舉經文知此是燕與齊平也釋例曰昭六年冬齊侯
伐北燕十年春而平冬春相接間無異事省文故不重言
燕猶桓五年冬州公如曹六年春因書寔來也三月公
傳以其不分明故起見齊燕平之月以正之也

如楚叔孫婼如齊涖盟

無傳公將遠適楚故
叔孫如齊尋舊好

疏

注公將至舊好正義曰魯與齊鄰公遠適楚慮其或
來侵伐遣使與之盟尋舊好也案經婼之如齊在公如

楚下杜言將適楚者叔孫婼非公命則不得書經
明是公未發時命之公發後始去杜言將見此意夏四

月甲辰朔日有食之秋八月戊辰衛侯惡

卒

元年大夫盟于號



齊惡今日衛侯惡此何為君臣同名也

君子不奪人名不奪親之所名重其所以來也王父名子也注云不奪人名明臣雖欲改君不當聽也君不聽臣易名者欲使人重父命也父受名于王父王父卒則稱王父之命名之曲禮云卒哭乃諱鄭玄云敬鬼神之名也生者不相辟名衛侯名惡大夫有石惡君臣同名春秋不非謂此事也然則此君卒哭之後臣當辟其諱曲禮云君子已孤不更名當舍名而稱字注元年大夫盟于號正義曰號會不盟而言盟者令尹圖請讀舊書加於牲上雖不

為執書亦以名告神與盟同也

九月公至自楚冬十有一月

癸未季孫宿立十有二月癸亥葬衛襄公

傳七年春王正月暨齊平齊求之也

齊代齊無人

之反從求平如晏子言

癸巳齊侯次于號

號燕

燕人行

成曰敝邑知罪敢不聽命先君之敝器請

以謝罪

敝器瑤璆王櫝之屬

公孫皙曰受服而退俟釁

而動可也

皆齊大夫

二月戊午盟于濡上

濡水出高陽縣

東北至河間鄭縣入易水

燕人歸燕姬

嫁女與齊侯

賂以瑤璆

王櫝竿耳不克而還

瑤玉也櫝匱也竿耳玉爵



齊求之也正

義曰傳云齊求之自言其平之意下云盟于濡上是其平之事也下言齊侯次于號燕人行成則是燕先發意而言齊求之者齊若志在伐燕不當在竟又次又次而不行即是求之之狀也燕必知其意乃行成耳注濡水至易水

正義曰今案高陽無此水也水源皆出於山其出平地皆是山中平地燕趙之界無泉出者未知杜言何所案據

注瑶玉至玉爵

正義曰孔安國尚書傳云瑶美石此云

瑶璠玉櫝與玉別文亦似非王杜以瑶爲王者詩毛傳云

瓊瑶美玉則瑶之爲物在玉石之間與玉小別故或以爲

石或以爲玉瓊是玉之美名詩以瓊瑶爲玉故毛言美玉

耳周禮醢人王舉則共醢六十甕以齊醢苴醢實之則

甕是小器當以瓦爲之以瑶爲甕故爲寶也論語云龜玉

毀於櫝中是櫝爲盛物之匱也明堂位云爵夏后氏以琖

殷以斚周以爵鄭玄云斚畫禾稼也斚是爵名文承玉櫝

之下明亦以玉爲之言耳者蓋

此器旁有耳若今之杯故名耳

楚子之爲令尹也

爲王旌以田

析羽爲旌王旌游至於軫

芊尹無宇斷之曰

一國兩君其誰堪之及即位爲章華之

宮納亡人以實之章華南郡無宇之闡入焉

有罪亡入無宇執之有司弗與王有司也曰執人於

王宮其罪大矣執而謁諸王執無字也王將飲

酒遇其歡也無宇辭曰天子經略經營天下略有諸四海故曰經略

侯正封封疆有定分古之制也封略之內何非君

土食土之毛誰非君臣毛草也故詩曰普天之

下莫非王土率土之濱莫非王臣詩小雅濱涯也天

有十日甲至人有十等王至下所以事上

上所以共神也故王臣公公臣大夫大夫

臣士士臣阜阜臣輿輿臣隸隸臣僚僚臣

僕僕臣臺馬有圉牛有牧養馬曰圉養牛曰牧以待百

事今有司曰女胡執人於王宮將焉執之

周文王之法曰有亡荒閱荒大也閱蒐也有所亡人當大蒐其衆

以得天下也吾先君文王楚文王作僕區之

法僕區刑書名曰盜所隱器隱盜所得器與盜同罪所

以封汝也行善法故能啓疆北至汝水若從有司是無所

執逃臣也逃而舍之是無陪臺也言皆將逃王

事無乃闕乎昔武王數紂之罪以告諸侯

曰紂為天下逋逃主萃淵藪萃集也天下逋逃悉以紂為淵藪

藪集而歸之故夫致死焉人欲致死討紂君王始求諸侯

而則紂無乃不可乎若以二文之法取之

盜有所在矣言王亦為盜王曰取而臣以往往去也

盜有寵未可得也盜有寵王自謂焉莊靈王張本遂赦之赦無字

疏注析羽主於軫正義曰析羽為旌周禮司常文也鄭玄云析羽皆五采繫之於旌旌之上所謂注旌於

干首也凡九旗之帛皆用絳然則干首有羽羽爲旌名遂以旌爲旗稱其垂至軫者謂游至軫非羽至軫也禮緯稽命謨云禮天子旗九刀曳地諸侯七刀齊軫大夫五刀齊較士三刀齊首周禮節服氏袞冕六人維王之大常鄭玄云王旌十二旒兩兩以纁纁連旁三人持之禮天子旌曳地杜以楚雖僭號稱王未必即如天子不應建大常旌曳地故以諸侯解之言王旌游至於軫謂楚王旌也蓋建交龍之旗而游至軫耳然諸侯之旌短於王旌二刀大夫之旌亦短於諸侯之旌二刀案周禮軫去地四尺較去軫並五尺五寸而禮緯云諸侯齊軫大夫齊較於事爲疑不可知也 芋尹 正義曰芋是草名哀十七年陳有芋尹蓋皆以草名官不知其故 天子至正卦 正義曰莊二十一年注云略界也則此略亦爲界也經營天下以四海爲界界內皆爲己有故言略有四海謂有四海之內也天子界內天子自經營之故言經略也諸侯封內受之天子非己自營故言正封謂不侵人不與人正之使有定分 詩

曰至王臣

正義曰北山大夫刺幽王也役使不均云

天之下云云鄭箋云此言王之土地廣矣王之臣又衆矣

何求而不得何使而不行率土之濱者地之形勢水多於

土民居水畔故云循土之涯也

王臣至臣臺

正義曰

文十八年傳云舜臣堯者謂舜爲臣以事堯也此云王臣

公者謂上以下爲臣文同而意異也公者三等諸侯之總

名環齊要略云自營爲公八公爲公言公正無私也大夫

者夫之言扶也大能扶成人也士者事也言能理庶事也

服虔云阜造也造成事也與衆也佐阜舉衆事也隸隸屬

於吏也僚勞也共勞事也僕僕督主藏者也臺給臺下微

名也比皆以意言之循名求義不必得本故杜皆略而不

說注僕區刑書名

正義曰引其言戒刑法知是刑書

名也名曰僕區未知其義服虔云僕隱也區匿也爲隱亡人

之法也

注行善至汝水

正義曰文王之法所以得天

下言行善法所以得爲天子也僕區之法所以封汝言去

盜賊所以大啓封疆也哀十七年傳曰彭仲爽申俘也文

王以爲令尹實縣申息朝陳蔡封畛於汝是文王啓疆至汝水昔武至淵藪正義曰此在尚書武成篇也武王

既克殷歸至于豐乃陳伐紂之事告於諸侯言將伐之時以商之罪告于皇天后土所過名山大川曰今商王受無道暴殄天物害虐烝民爲天下逋逃主萃淵藪是言天下罪人逋逃者以紂爲主集而歸之如魚入深淵獸奔藪澤

也楚子成章華之臺願與諸侯落之官室始成祭之

爲落臺今在

華容城內大宰遠啓彊曰臣能得魯侯遠

啓彊來召公辭曰昔先君成公命我先大

夫嬰齊曰吾不忘先君之好將使衡父照

臨楚國鎮撫其社稷以輯寧爾民嬰齊受

命于蜀

蜀盟在成二年衛父公衛

奉承以來弗敢失墮而

致諸宗祧

言奉成公此語以告宗廟

日我先君共王引領

北望日月以冀

冀魯朝

傳序相授於今四王矣

四王共康邾教及靈王

嘉惠未至唯襄公之辱臨我喪

襄公二十八年如楚臨康王喪

孤與其二三臣悼心失圖

在哀社

稷之不皇況能懷思君德

皇暇也言有大喪多不暇

今君

若步玉趾辱見寡君

趾足也

寵靈楚國以信

蜀之役致君之嘉惠是寡君既受貺矣何

蜀之敢望

言但欲使君來不敢望如蜀復有質子

其先君鬼神實

嘉賴之豈唯寡君君若不來使臣請問行

期

問魯見伐之期

寡君將承質幣而見于蜀以請

先君之貺

請問也

公將往夢襄公祖

祖祭道神

梓慎

曰君不果行襄公之適楚也夢周公祖而

行今襄公實祖君其不行子服惠伯曰行

先君未嘗適楚故周公祖以道之襄公適

楚矣而祖以道君不行何之三月公如楚

鄭伯勞于師之梁鄭城孟僖子為介不能

相儀僖子仲及楚不能荅郊勞為下僖子病不能相禮張

本注宮室至城內正義曰雜記云成廟則覺之路

疏

寢成則考之而不覺覺屋者交神明之道也鄭玄

云言露寢生人所居不覺者不神之也考之者設盛食以落之爾檀弓曰晉獻文子成室諸大夫發焉是也然則不覺似無祭而杜言宮室始成祭之為落者以其言落必是以酒澆落之雖不如廟以血塗其上當祭中靈之神以安之日我至

北望正義曰日謂往日也嬰齊與魯盟于蜀事在成二年

共王之初共王即望魯朝故言往日我先君共王引領北望

也董遇注無日字謚法既過能改曰共寵靈至貺矣正

義曰言開其恩寵賜以成靈以及楚國以明受命于蜀之事

不虛致令君之嘉惠於楚即是寡君受貺矣注祖祭道神

正義曰詩云韓侯出祖仲山甫出祖是出行必為祖也曾子

問曰諸侯適天子與諸侯相見皆云道而出是祖與道爲一
知祖是祭道神也周禮大馭掌馭玉路以祀及犯軼王自左
馭馭下視登受轡犯軼遂驅之鄭玄云行山曰軼犯之者封
土爲山象以苦芻棘柏爲神主既祭以車轡之而去喻無險
難也又聘禮記云出祖釋軼祭酒脯乃飲酒于其側鄭玄云
祖始也行出國門止陳車騎釋酒脯之奠於軼爲行始也詩
傳曰軼道祭也謂祭道路之神春秋傳曰軼涉山川然則軼
山行之名也道路以險阻爲難是以委土爲山或伏牲其上
使者爲軼祭酒脯祈告也卿大夫處者於是餞之飲酒於其
側禮畢乘車轡之而遂行是說祖軼之事也詩云取玆以軼
謂諸侯也天子則以犬故犬人云伏瘞亦如之鄭
司農云伏謂伏犬以王車轡之是也大夫用酒脯

夏四

月甲辰朔日有食之晉侯問於士文伯曰誰

將當日食對曰魯衛惡之

受其凶惡

衛大魯小

公曰何故對曰去衛地如魯地

衛地取韋也魯地降婁也

日食於取韋之末及降婁之始乃息故禍在衛大在魯小也周四月今二月故日在降婁

於是有

災魯實受之

災發於衛而魯受其餘禍

其大咎其衛君乎

魯將上卿

八月衛侯卒十一月季孫宿卒

公曰詩所謂彼日

而食于何不臧者何也

威日食而問詩

對曰不善

政之謂也國無政不用善則自取謫于日

月之災

謫譴也

故政不可不慎也務三而已一

曰擇人

擇賢人

二曰因民

因民所利而利之

三曰從時

順四時

疏

注衛地至降婁

正義曰周禮保章氏以星

之所務

土辨九州之地所封封域皆有分星在地封

域必當天星之分但古書亡失鄭江保章氏引堪餘云寅
析木燕也卯大火宋也辰壽星鄭也已鶉尾楚也午鶉火
周也未鶉首秦也申實沈晉也酉大梁趙也戌降婁魯也
亥鶉訾衛也子玄枵齊也丑星紀吳越也秦漢以來地分
天次鶉訾衛也降婁魯也鶉訾之次一名豕韋故云衛地
豕韋也三統歷鶉訾初日在危十六度立春節在營室十
四度雨水申中終於奎四度也降婁初日在奎五度驚蟄節
在婁四度春分中終於胃六度也此時周四月今二月故
日在降婁但閏有前却不知日在何度而食也言去衛地
如魯地蓋始入降婁之初耳 詩所至不臧 正義曰十
月之交大夫刺幽王也十月之交朔月辛卯日有食之亦
孔之醜注云日爲君辰爲臣辛金也卯木也又以卯侵辛
故甚惡也又云彼月而食則維其常此日而食于何不臧
詩作此此云彼者師讀不同也 對曰至之災 正義曰

士文伯緣公之間設勸戒之辭言人君爲政不善可以成
動上天則自取譴責於日月之災以日食之災由君行之
所致也昏義云天子聽男教后聽女順天子治陽道后治
陰德是故男教不脩陽事不得適見於天日爲之食婦順
不脩陰教不得適見於天月爲之食此傳彼記皆是勸戒
辭耳日月之會自有常數每於一百七十三日有餘則日
月之道一交交則日月必食雖千歲之日食皆豫筭而盡
知寧復由教不脩而政不善也此時周室微弱王政不行
非復能動天也設有天變當與天下爲災何獨衛君魯卿
當其咎也若日食在其分次其國即當有咎則每於日食
必有君死豈日食之歲常有一君死乎足明士文伯言衛
君魯卿之死不由日食而知矣人君者位貴居尊志移心
溢或淫恣情慾壞亂天下聖人假之神靈作爲鑒戒夫以
昭昭大明照臨下土忽爾殲亡俾晝作夜其爲怪異莫斯
之甚故鳴之以鼓析射之以弓矢庶人奔走以相從責夫
馳騁以告衆降物辟寢以哀之祝幣史辭以禮之立取食

夫樂之數制入門廢朝之典示之以罪己之宜教之以脩德之法所以重天變警人君也天道深遠有時而驗或亦人之禍孽偶與相逢故聖人得因其變常假為勸戒知達之士識先聖之幽情中下之主信妖祥以自懼但神道可以助教不可專以為教神之則惑眾去之則害宜故其言若有若無其事若信若不信期於大通而已世之學者宜知其趣
晉人來治杞田前女叔侯不盡歸今公適楚晉人恨故復來治杞田季

孫將以成與之成孟氏邑本杞田謝息為孟孫守不

可謝息傳子家臣曰人有言曰雖有挈鉶之知守不

假器禮也挈鉶汲者喻小知為人守器猶知不以借人夫子從君而

守臣喪邑夫子謂孟僖子從公如楚雖吾子亦有猜焉言季

孫亦將疑季孫曰君之在楚於晉罪也言晉罪我不忠

楚又不聽晉魯罪重矣晉師必至吾無以

待之不如與之間晉而取諸杞候晉間隙可復伐杞取之

吾與子桃魯國卞縣東南有桃虛成反誰敢有之是得

二成也魯無憂而孟孫益邑子何病焉辭

以無山與之萊柞萊柞二山乃遷于挑謝息晉

人爲杞取成不書非公命**疏**注前女至杞田正義曰下云君之在楚於晉罪也知晉

人以此故復來治杞田也宋之盟云晉楚之從交相見今復恨者於時不免楚意爲此盟耳私心不欲諸侯向楚又

無辭可以禁之故

楚子享公于新臺

章華臺也

使長

驪者相

驪驪也欲

好以大屈

宴好之賜

既而悔

之遠啓彊聞之見公公語之拜賀公曰何賀

對曰齊與晉越欲此久矣寡君無適與也

而傳諸君君其備禦三鄰

言齊晉越將伐魯而取之

慎守

寶矣敢不賀乎公懼乃反之

傳言楚靈不信所以不終



使長驪者相

正義曰吳楚之人少隨欲選長驪者相也

注大屈弓名 正義曰賈逵云大屈寶金可以為劍 大屈金所生地名服虔云一曰大屈弓名魯連書曰楚子享魯侯於章華之臺與大曲之弓既而悔之為啓彊見

鄭子產聘于晉晉侯有疾
鄭即天曲也

宣子逆客私焉語私曰寡君寢疾於今三月

矣並走羣望晉所望祀山川皆走注祈禱有加而無瘳今

夢黃熊入於寢門其何厲鬼也對曰以君

之明子為大政其何厲之有昔堯殛鯀于

羽山羽山在東海祝其縣西南其神化為黃熊以入于羽

淵實為夏郊三代祀之鯀禹父夏家郊祭之歷殷周二代又通在羣神

見祀晉為盟主其或者未之祀也乎言周表晉為盟

立得佐天子祀羣神韓子祀夏郊祀晉侯有聞聞差賜

子產莒之二方鼎方鼎莒所貢**疏**今夢至寢門正義曰諸本皆

作熊字賈逵云熊獸也說文云熊獸似豕山居冬蟄釋獸云羆如熊黃白次孫炎引書云如熊如羆則熊似豕之獸

即今之所謂熊是也釋獸又云熊虎醜其子狗李巡曰熊虎之類其子名狗則熊獸似虎非熊也又釋魚云鼈三足

能變光曰鼈皆四足今三足故記之彼是鼈之異狀張衡東京賦云能鼈三趾梁主云鼈之所化是能鼈也若是熊

獸何以能入羽淵但以神之所化不可以常而言之若是能鼈何以得入寢門先儒既以為獸今亦以為熊獸是也

張家書瑣語云晉平公夢見赤熊闕屏惡之而有疾使問巫產言闕屏牆必是獸也張叔皮論云賈爵下華田鼠上

麟羊哀虎變絃化為熊父血為燐積灰生蠅傳玄潛通賦云聲伯忘瓊瑰而非占兮責言諸而暮終羸正沈辭以精

福兮兇告凶而命窮黃母化而爲龜兮魃殛變而成熊二
者所韻不同或疑張叔爲能著作郎王劭云古人讀雄與
熊者皆于陵反張叔用舊音傳立用新音張叔亦作熊也
案詩無羊與正月及襄十年衛卜禦寇之繇皆以雄韻陵動
言是也

注繇禹至見祀

正義曰祭法云夏后氏禘黃

帝而郊繇言郊祭天而以繇配是夏家郊祭之也殷周二
代自以其祖配天雖復不以繇配郊繇有治水之功又通
在羣神之數并亦見祀通夏世爲三代祀之也祭法又曰
夫聖王之制祀也能禦大菑則祀之能捍大患則祀之繇
郭鴻水而殛死禹能脩繇之功非此族也不在祀典是言
繇有大功而歷代祀之也祭法又云有虞氏禘黃帝而郊
嚳祖顓頊而宗堯夏后氏亦禘黃帝而郊繇祖顓頊而宗
禹殷人禘嚳而郊冥祖契而宗湯周人禘嚳而郊稷祖文
王而宗武王家語子羔問曰周人祖文王而宗武王虞夏
祖宗異代者孔子曰殷周祖宗其廟可以不毀則其他所
祖宗者功德不殊雖在異代亦可以無疑矣周人愛召公

猶敬其樹況祖宗其功德而可以不尊奉其廟哉 注言
周至羣神 正義曰祭法曰有天下者祭百神諸侯在其

地則祭之土其地則不祭然則鯀非晉地之神晉人不合
祭之也但周室既衰晉為盟主得佐助天子祭祀羣神故

不祀鯀而鯀為崇也晉語說此事云昔者鯀違帝令殛之
于羽山化為黃熊以入于羽淵實為夏郊三代舉之夫鬼

神之所及非其族類則紹其同位今周室少卑晉實繼之
其或者未舉夏郊邪宣子以告祀夏郊董伯為尸五日晉

侯疾間是言晉當繼周得佐天子祀羣神也僖三十一年
傳云相之不享於此久矣非衛之罪也祀鄩何事然則祀

是夏後自當祀相衛不祀相而晉祀鯀者相無功唯子孫
當祀鯀則列在祀與天子祀之故晉繼周當祀鯀 祀夏

郊 正義曰言祀夏家所郊者故注云祀鯀 子產為
方鼎 正義曰服虔云鼎三足則圓四足則方

豐施歸州田於韓宣子 豐施鄭公孫段之子曰
三年晉以州田賜段

日君以夫公孫段爲能任其事而賜之州

田今無祿早世不獲久享君德其子弗敢

有不敢以聞於君私致諸子

此年正月公孫段卒

宣

子辭子產曰古人有言曰其父折薪其子

弗克負荷

荷擔也以微薄喻重貴

施將懼不能任其先

人之祿其況能任大國之賜縱吾子爲政

而可後之人若屬有疆場之言敝邑獲戾

恐後代宣子者將以鄭取晉邑罪鄭

而豐氏受其人討吾子取州

是免敝邑於戾而建置豐氏也敢以為請

傳言子產貞而不諒

宣子受之以告晉侯晉侯以與宣

子宣子為初言病有之

初言謂與趙文子爭州田

以易原縣

於樂大心

樂大心宋大夫原晉邑以賜樂大心也

疏

注傳言至不諒正義曰貞而不諒

論語文也貞正也諒信也段受晉邑卒而歸之正也知宣子欲之而言畏懼後禍是不信也

鄭人相

驚以伯有曰伯有至矣則皆走不知所往

襄三十年鄭人殺伯有言其鬼至

鑄刑書之歲二月

在前

或夢

伯有介而行也

介甲

曰壬子余將殺帶也

齊

助子哲殺伯有主
明年壬寅余又將殺段也公孫

氏黨壬寅此年
正月二十八日
及壬子駟帶卒國人益懼齊燕

平之月此年正月
壬寅公孫段卒國人愈懼其明

月子產立公孫洩及良止以撫之乃止公孫洩子

孔之子也襄十九年鄭殺子孔良止
伯有子也立以為大夫使有宗廟
子大叔問其故

子產曰鬼有所歸乃不為厲吾為之歸也

大叔曰公孫洩何為子孔不為厲問何為復立洩
子產曰說

也為身無義而圖說伯有無義以妖鬼故立之恐惑民并立洩使若自取大義

存誅絕之後者
以解說民心

從政有所反之以取媚也

民不可使

知之故治政或當
反道以求媚於民

不媚不信

說而後信之

不信民不從

也及子產適晉趙景子問焉

景子晉中軍佐趙成

曰

伯有猶能為鬼乎子產曰能人生始化曰

魄

魄形也

既生魄陽曰魂

陽神氣也

用物精多則

魂魄彊

物性勢

是以有精爽至於神明

爽明也

匹夫匹婦強死其魂魄猶能馮依於人以

為淫厲

強死不得病也人謂匹夫匹婦賤身

況良霄我先君穆

公之胄子良之孫子耳之子敝邑之卿從

政三世矣鄭雖無腆厚抑諺曰蕞爾國

蕞小貌而三世執其政柄其用物也弘矣其

取精也多矣其族又大所馮厚矣良霄魂魄所馮者貴

重而強死能為鬼不亦宜乎傳言子產之博敏**疏**注

孫段豐氏黨正義曰劉炫云段即豐氏當言駟氏黨字之誤以規杜氏今知非者段為豐氏傳有明文杜既注傳無容不委蓋後人轉寫之誤劉君雖規未必是杜之失子產至國說正義曰言立公孫泄者所以解說民心也伯有作亂而死不應立其後祀今立良止民必怪之為伯有之身無義立後而圖謀自解說於民也解說者以子孔

良霄俱被誅殺今并立二人言若國家自以大義存誅絕
之後不爲妖鬼良止也以此解說民心從政至媚也
正義曰反之謂反正道也媚愛也從其政事治國家者有
所反於正道以取民愛也反正道者子孔誅絕於道理不
合立公孫泄今既立良止恐民以鬼神爲威故反違正道
兼立公孫泄以取媚於民今民不惑也段與帶之卒自當
命盡而終耳未必良霄所能殺也但良霄爲厲因此恐民
民心不安義須止過故立祀止厲所以安下民也何休膏
肅難此言孔子不語怪力亂神以鬼神爲政必惑衆故不
言也今亡氏以此今後世信其然廢仁義而祈福於鬼神
此大亂之道也子產雖立良止以託繼絕此以鬼賞罰要
不免於惑衆豈當述之以示季末鄭玄答之曰伯有惡人
也其死爲厲鬼厲者陰陽之氣相乘不和之名尚書五行
傳六厲是也人死體魄則降知氣在上有尚德者附和氣
而興利孟夏之月令嘗祀百辟卿士有益于民者由此也
爲厲者因害氣而施災故謂之厲鬼月令民多厲疾五行

傳有禦六厲之禮禮天子立七祀有大厲諸侯立五祀有國
屬欲以安鬼神弭其害也子產立良止使祀伯有以弭害乃
禮與洪範之事也子所不語怪力亂神謂虛陳靈象於今無
驗也伯有爲厲鬼著明若此而何不語乎子產固爲衆愚將
惑故并立公孫泄云從政有所反之以取媚也孔子曰民可
使由之不可使知之子產達於此也 人生至曰魄 正義
曰人稟五常以生感陰陽以靈有身體之質名之曰形有嘘
吸之動謂之爲氣形氣合而爲用知力以此而彊故得成爲
人也此將說淫厲故遠本其初人之生也始變化爲形形之
靈者名之曰魄也既生魄矣魄內自有陽氣氣之神者名之
曰魂也魂魄神靈之名本從形氣而有形氣既殊魂魄亦異
附形之靈爲魄附氣之神爲魂也附形之靈者謂初生之時
耳目心識手足運動啼呼爲聲此則魄之靈也附氣之神者
謂精神性識漸有所知此則附氣之神也是魄在於前而魂
在於後故云既生魄陽曰魂魂魄雖俱是性靈但魄識少而
魂識多孝經說曰魄白也魂芸也白明白也芸芸動也形有

體質取明白爲名氣唯嘘吸取共動爲義鄭玄祭義注云氣謂嘘吸出入者也耳目之聰明爲魄是言魄附形而魂附氣也人之生也魄盛魂彊及其死也形消氣滅郊特牲曰魂氣歸于天形魄歸于地以魂本附氣氣必上浮故言魂氣歸于天魄本歸形形既入土故言形魄歸于地聖王緣生事死制其祭祀存亡既異別爲作名改生之魂曰神改生之魄曰鬼祭義曰氣也者神之盛也魄也者鬼之盛也合鬼與神教之至也死必歸土此之謂鬼其氣發揚于上神之著也是故魂魄之名爲鬼神也檀弓記延陵季子之哭其子云骨肉歸復于土命也若魂氣則無不之也爾雅釋訓云鬼之爲言歸也易繫辭曰陰陽不測之謂神以骨肉必歸于土故以歸言之魂氣無所不通故以不測名之其實鬼神之本則魂魄是也劉炫云人之受生形必有氣氣形相合義無先後而此云始化曰魄陽曰魂是則先形而後氣先魄而後魂魂魄之生有先後者以形有質而氣無質尋形以知氣故先魄而後魂其實並生無先後也 注陽神氣也 正義曰以形有質故爲

陰魂無形故為陽既以化表形故以陽見氣氣為陽知形為陰互相見也 用物至魄強 正義曰魂既附氣氣又附形

形強則氣強形弱則氣弱魂以氣強魄以形強若其居高宮而任權勢奉養厚則魂氣強故用物精而多則魂魄強也

注物權勢 正義曰物非權勢之名而以物為權勢者言有權勢則物能備物謂奉養之物衣食所資之總名也 是以

至神明 正義曰此言從微而至著耳精亦神也爽亦明也精是神之未著爽是明之未昭言權勢重用物多養此精爽

至於神明也 從政三世 正義

曰子良子耳良霄三世皆為卿

子皮之族飲酒無度

相尚以奢 故馬師氏與子皮氏有惡

馬師氏公孫鉏之子罕朔

也襄三十年馬師頡出奔公孫鉏代之為馬師與子皮俱同一族

齊師還自燕之

月

在此年二月

罕朔殺罕魍

魍子皮弟

罕朔奔晉韓宣

子問其位於子產

問朔可使在何位

子產曰君之驛

臣苟得容以逃死何位之敢擇卿違從大

夫之位

謂以禮去者降位一等

罪人以其罪降

罪重則降多

古

之制也朔於敝邑亞大夫也其官馬師也

大夫位馬師職

獲戾而逃唯執政所寘之得免其死

爲惠大矣又敢求位宣子爲子產之敏也

使從嬖大夫

爲子產故使降一等不以罪降

疏

注相尚至以酒正義曰相尚以奢

食無度也相困以酒飲無度也罕朔殺罕魋正義曰公孫鉏子展之弟展生子皮鉏生罕朔朔是子罕之孫禮

謂之從父昆弟 使從嬖大夫 正義曰子之歟

子晉上大夫女嬖大夫不尊貴也 則晉之嬖大夫亦是下

大夫子產云朝亞大夫也 今晉侯使朝 秋八月

大夫故杜云為子產故使降一等 不以罪降 月衛

襄公卒晉大夫言於范獻子曰衛事晉為

睦睦也 晉不禮焉庇其賊人而取其地 賊人 孫林

父其地 故諸侯貳詩曰鳴鵒在原兄弟急難

詩小雅鵒鵒渠也飛則鳴行則 又曰死喪之威兄

弟孔懷 威畏也言有死喪 兄弟之不睦於是乎

不弔 弔恤 況遠人誰敢歸之今又不禮於

衛之嗣嗣新君也衛必叛我是絕諸侯也獻子以

告韓宣子宣子說使獻子如衛弔且反戚

田傳言戚田所由還衛衛齊惡告喪于周且請命王使

成簡公如衛弔簡公王卿士也且追命襄公曰叔父

陟恪在我先王之左右以佐事上帝陟登也恪敬也

帝天也叔父謂襄公命如今之哀策余敢忘高圉亞圉二國周之先也為殷諸侯

亦受殷王追命者**衛**詩曰至急難正義曰小雅常棣之篇也以鳴鶴之在原喻兄弟之急難也鳴鶴水

鳥也今而在原失其常處飛則鳴行則搖不能自舍也喻人當居平安之世今有兄弟在急難相救之請請不能自

舍也但鳥有飛行可言人之不能自舍無狀可言耳注

鵲鳴鵲渠正義曰釋鳥文郭璞曰雀屬注陟登至哀

策正義曰陟登恪敬釋詁文也周禮所云上帝皆是天

也如今之哀策者漢魏以來賢臣既卒或贈以本官印綬

近世或更贈以高官褒德叙哀載之於策將葬賜其家以

告柩如今之哀策謂此也注二國至命者正義曰策

周本紀高圉是公劉玄孫之孫高圉生亞圉亞圉大王亶

父之祖也並為殷之諸侯今王追命裏公而云不忘二國

知其亦是受殷王追命此杜以意言耳二國之受追命無文也九月公至自楚孟

僖子病不能相禮不能相儀荅郊乃講學之

講習苟能禮者從之及其將死也二十四年孟

也僖子卒傳終

言召其大夫僖子屬曰禮人之幹也無禮

之大夫

之

無以立吾聞將有達者曰孔丘

信子卒時孔丘年三十五

聖人之後也

聖人殷湯

而滅於宋

孔子六代祖孔父嘉為宋督所殺其

子奔

其祖弗父何以有宋而授厲公

弗父何孔父嘉

之高祖宋閔公之子厲公之兄何適嗣當立以謗厲公

及正考父

弗父何之曾孫佐戴

武宣

三人皆宋君

三命茲益共

三命上卿也言位高益共

故其鼎

銘云

考父廟之鼎

一命而僂再命而僂三命而俯

俯共於僂僂共於僂

循牆而走

言不恐安行

亦莫余敢侮

其共如是

人亦不敢侮慢之

饁於是鬻於是

於是鼎中為饁鬻饁

言至儉其共也如是臧孫紇有言統式仲也曰聖

人有明德者若不當世其後必有達人聖人

之後有明德而不當大位謂正考父今其將在孔丘乎我若獲沒

得以必屬說與何忌於夫子使事之說南宮敬叔何

忌孟懿子皆僖子之子而學禮焉以定其位知禮則位矣故孟

懿子與南宮敬叔師事仲尼仲尼曰能補

過者君子也詩曰君子是則是效詩小雅孟

僖子可則效已矣疏注孔丘年三十五正義曰當言三十四而云五蓋相傳

誤耳

注孔子六代祖

正義曰家語李姓篇云宋濬公

熙生弗父何何生宋父周周生世子勝勝生正考父考父

生孔父嘉其後以孔爲氏也孔父生木金父金父生事夷

父夷父生防叔防叔辟華氏之偪而奔魯生伯夏伯夏生

梁紇梁紇即生孔子也

饘於至余口

正義曰釋言云

餲饘也郭璞云糜也又云鬻糜也孫炎曰淖糜也然則餲

饘鬻糜相類之物稠者曰糜淖者曰鬻餲饘是其別名將

糜向口故曰以餲余口猶今人以粥向帛黏使相著謂之

餲帛

注聖人至考父

正義曰聖人謂殷湯也不當世

謂不得在位爲國君也上文具言考父之德知此聖人之

後有明德而不得在世當大位者止謂正考父也既是

人之後而又有明德身無貴位必慶隆子孫故言其後

有達人謂知能通達之人於夫子身爲大夫乃稱夫子

時仲尼未仕不得稱爲夫子以未仕之時爲仕後之語

丘明意尊之而失事實陳恒未死言謚亦此類也

注

官敬叔

正義曰說南官氏也敬謚也叔字也又字容

字括也名單獻公之孫單獻公之孫親用將公之子頃公之孫

客也冬十月辛酉襄頃之族殺獻公而立

成公成公頃公之父十一月季武子卒晉侯謂

伯瑕伯瑕文伯曰吾所問日食從矣可常乎衛侯

武子皆對曰不可六物不同各異民心不壹政教

殊事序不類有變官職不則治官居職同始

異終胡可常也詩曰或燕燕居息或惓惓

事國詩小雅言不同其異終也如是公曰何謂六物

對曰歲時日月星辰是謂也公曰多語寡

人辰而莫同何謂辰對曰日月之會是謂

辰

一歲日月十二會所合謂之辰

故以配日

謂以子丑配甲乙



詩曰至事國正義

曰小雅北山大夫刺幽王也役使不均已勞於從事而不得養其父母焉或燕燕居息燕燕安息貌或盡瘁事國盡

力勞病以從國事此作憔悴蓋師讀不同歲時日月星辰正義曰釋天云載歲也夏曰歲周曰年李巡曰載一

歲莫不覆載也孫炎曰四時一終曰歲取歲星行一次也年取年報一熟是言歲即年也時謂四時春夏秋冬也日

謂十日從甲至癸也月從正月至十二月也星二十八宿也辰謂日月所會一歲十二會從子至亥也周禮焉相氏

掌十有二歲十有二月十有二辰十有二星十有八星之位謂此六物也大歲所在十二年始布故為十二歲辰而

莫同 正義曰東南隅有辰也大火謂之辰也又有日月之會辰也又北方有辰星也日月會謂之辰者辰時也言日月聚會有時也 故以配日 正義曰言辰無常所分在十二以十幹配之明非一所也 衛襄公

夫人姜氏無子

姜氏宜姜

嬖女嬀始生子孟縶孔成子

夢康叔謂已立元

成子衛卿孔達之孫烝組也元孟縶弟夢時元未生

余使

羈之孫圉與史苟相之

羈烝組子苟史朝子

史朝亦夢

康叔謂已余將命而子苟與孔烝組之曾

孫圉相元史朝見成子告之夢夢協

協合也

晉韓宣子爲政聘于諸侯之歲

在二

嬀始

生子名之曰元孟繫之足不良能行也孔

成子以周易筮之曰元尚享衛國主其社

稷辭今著遇屯震下坎又曰余尚立繫尚

克嘉之也嘉善遇屯坤下坎上比之比屯初九爻變以

示史朝史朝曰元亨又何疑焉周易曰成

子曰非長之謂乎言屯之元亨謂對曰康叔

名之可謂長矣善之孟非人也將不列於

宗不可謂長足跡非全人不且其繇曰利建侯

辭卦 嗣吉何建建非嗣也嗣子有常位故無所

不定卜嗣得吉則 二卦皆云謂再得屯卦皆 子當從吉而建之也

其建之康叔命之二卦告之筮襲於夢武王

所用也弗從何為外傳云大誓曰朕夢協朕卜襲 弱於休祥戎商必克此武王辭

足者居跛則偏弱居 侯主社稷臨祭祀奉民

人事鬼神從會朝又焉得居各以所利不

亦可乎孟跛利居 故孔成子立靈公十二月

癸亥葬衛襄公靈公 元也注夢時元未生 正義曰知者傳曰朔始生孟縶即

云成子夢若已生訖當云嫺始生孟紮及元然云孔成子
夢且說夢以下乃云晉韓宣子聘歲生元明未生也之
足不良正義曰當斷不良爲句能行向下讀之知者宋
二十年杜注云紮足不良故以官邑還豹是也之比
正義曰所以上屯無變者皆遇少爻故也二卦皆云
正義曰謂前卜元之二卦非謂後卜紮之卦也注外傳
云正義曰外傳云者國語引大誓也古文尚書大誓具
有此文此傳之意取大誓也杜不見古文故引外傳解之

春秋正義卷第二十七